

# *NY LÀLANA*

## *NOMANIN'ANDRIAMANITRA*

### *Ho An'IZAO ANDRO IZAO*

 . . . vetivety fotsiny raha manondrika ny lohantsika isika.

Ry Rainay any an-Danitra, misaotra Anao izahay ny amin'i Jesosy Kristy, ireo Fampanantenany lehibe izay Nomeny anay. Misaotra Anao izahay ny amin'ireto zavatra rehetra ireto. Eo ambanin'ny fiandrasana lehibe izahay ato amin'ity tanàna ity eo anivon'ireto Kristiana mahafinaritra ireto. Manantena ny hahita Azy hihetsika eo anivonay izahay maneho ny Fanatrehany, manome finoana ny olona, manindrimandry azy ireo mba hino. Izany no tanjonay ahatongavana eto, Ray. Fantatray fa afaka matoky Anao izahay. Tsy ho diso fanantenana izahay. Fa mangataka an'izany amin'Ny Anarany izahay. Amena.

Afaka mipetraka ianareo.

Tena faly aho aninkeo maraina ny nanana an'io sakafo maraina io niaraka tamin'ireto vondron'ny mpitoriteny mahafinaritra ato amin'ny tanàna ireto. Ary noho izany izahay . . . Heveriko fa ireo—ireo rahalahy dia nanao horonam-peo an'izany raha hisy olona hila an'izany. Fotoan'ny fiombonana iray tahaka an'izany no nanananay. Ary ankehitriny, izao hariva izao no harivantsika faharoa, mandeha tsara mihitsy eny an-dàlana. Noho izany ankehitriny, matoky izahay fa hitahy anareo betsaka sy mihoatra ny Tompo.

Mino aho fa mijery ny sakaizako tsara iray aho, Rtoa. Upshaw, mipetraka eto, Ranabavy Upshaw. Ny Tompo hitahy anao. Mahatsiaro an-dRahalahy Willie Upshaw aho. Nahazo taratasy iray avy taminy aho indray andro sy ny sarin-dRahalahy Willie, lehilahin'ny Kongresy. Noho izany, izy—efa kilemaina nandritry ny enina amby enimpolo taona mahery izy.

Tao amin'ny fivoriana indray hariva, nahita fahitana ny aminy aho, nipetraka, nandeha nitety ny mpanatrika, niaraka tamin'ny palitao sy pataloany, niondrika. Efa tao anatin'ny sezà misy kodiarana iray sy tehina izy, araka ny nahafantararanareo rehetra azy, fa nanao azy ho salama ny Tompo Jesosy tamin'io hariva io ihany. Ary nanana ny finoana mandrapahafatiny izy.

Mahatsapa ho voahaja izahay, izao hariva izao, noho io mpitondratena mipetraka eto io. Firy taona izy fony izy nandeha mba hahita ny Tompo? Firy taona izy? [Mamaly

Ranabavy Upshaw—Mpand.] Enina amby valopolo taona no nahavelomany. [Mijoro vavolombelona momba ny fahalasanany Ranabavy Upshaw.] Lasa any An-danittra mba hiaraka... Mankasitraka isika ny amin'ireo lehilahy malaza, mpiadin'ny finoana malaza.

Ankehitriny, izao hariva izao, ilay izy dia, tsy te-hitazona anareo ela izahay. Nihazona anareo nihoatra ny folo minitra ambonin'ny ora izahay omaly hariva, tamin'ny folo latsaka roapolo minitra. Mazàna isika dia mivoaka amin'ny sivy sy sasany. Hiezaka aho ny hanarina an'izany izao hariva izao. Izaho efa... Nanova avy tamin'ireo hafatratra ara-paminaniana izay notoriako tany amin'ireo faritra samihafa an'ny firenena aho, ho amin'ireo asa ara-pilazantsara indray. Ary teo amin'ireo hafatratra ara-paminaniana ireo, dia nanohy an'izany hatrany sy hatrany fotsiny isika. Ary ankehitriny ny manapaka azy, dia somary sarotra ilay izy, ary izany dia manova an'ilay—ilay asampanompoana rehetra miaraka.

Ary ny antony anaovako an'izao: satria indray andro, tonga avy tany Canada, teto ambony teto mihitsy tany Montana, indray maraina aloha be, ny Tompo Jesosy... Fantattro fa toa hafahafa ilay izy, saingy nandeha tao anatin'ny fiara iray aho, ary nisy zavatra nanintona ny fifantohako. Nandre Feo iray aho, tena mazava tahaka ny andrenesanareo ny ahy, nanao hoe, "Ny anaranao dia voasoratra eo ambonin'io tendrombohitra io." Dia njery aho, ary rehefa nijanona izahay, izaho sy Billy, dia hoy ny Tompo Jesosy hoe, "Miverena ankehitriny, ka manomboha ao amin'ny fitoriana filazantsara araka ny nataonao mihitsy."

Izany no maha-eto ahy izao hariva izao, satria mandeha miverina avy hatrany mivavaka ho an'ny marary indray. Misy tantara lava amin'izany, ary azoko antoka fa ianareo olona eo amin'ny horonam-peo eto, izay mihaino ny horonam-peonay, dia mahafantatra mikasika an'ilay tantara. Eto aho hivavaka ho an'ny marary indray. Misy fanomezam-pahasoavana lehibe maro ao amin'Andriamanitra. Afaka mampiasa azy ireo amin'izay Tiany ampriasaina Andriamanitra raha hamela Azy hanao an'izany fotsiny isika. Izy no Tompo Andriamanitra.

Ary ankehitriny, miezaka aho ny tsy...miala amin'ny fametraha-tànana eo amin'ny olona raha afaka miala amin'izany aho, satria, eo, ilay izy dia toa (mety tsara izany), saingy ilay izy dia toa raha misy olona, ho sitrana, dia hoy izy ireo hoe, "Eny, *Ranona-sy-ranona* no nametra-tànana teo amiko." Hitanareo? Izaho—tiako ny hahita anareo mametra-tànana eo Aminy fotsiny, eo amin'i Kristy.

Ny tanjoko dia, isika rehetra dia mahafantatra amin'ny alalan'ny Soratra, fa ny fanasitranana avy amin'Andriamanitra dia efa azo antoka ho an'ny mpino tsirairay. Izany dia ampahany—izany dia ampahan'ny fijalian'i Jesosy: "Izy dia

voalefona nohon'ny fahadisoantsika, tamin'ireo Dian-kapony no nahasitranana antsika. Tahaka ny nanandratan'i Mosesy ny menarana varahina tany an-efitra, dia toy izany koa no tsy maintsy hanandratana ny Zanak'olona." Antony mitovy.

Ary izany no tandindona, Kristy no tsy tandindona. Ary noho izany raha—raha afaka namokatra fanasitranana ilay fanaovam-panavotana fahiny, dia tsy tokony hohoatra noho izany ve ilay anankiray vaovao, izay manana an'ireo zavatra tsaratsara kokoa, hamokatra fanasitranana avy amin'Andriamanitra.

Ankehitriny, Jesosy dia nasandratra ho an'ilay antony mitovy tamin'ilay menarana varahana (Natao fahotana Izy): satria, ilay menarana dia vita avy tamin'ny varahina, ary ny *varahina* dia "mari-pamantarana iray an'ny fitsarana masina"; ary ny *menarana*, dia maneho "ny fanozonana ny menarana" avy tao amin'ny sahan'i Edena, izay nidiran'ny fahotana sy ny aretina.

Ary Jesosy tsy afaka... Tsy misy olona afaka mitory an'i Jesosy Kristy ho fanaovam-panavotana nefo tsy mitory ny fanasitranana avy amin'Andriamanitra. Tsy misy olona afaka mitory ny Filazantsara nefo tsy mitory ny fanasitranana avy amin'Andriamanitra. Satria, hitanareo, ianareo tsy... izy dia efa nanana... tsy voatery hanana zavatra sasany. Toy ny hoe raha hazonin'ny biby iray ianareo, dia tsy mila manapaka ny tongony fotsiny ianareo, na manapaka ny—ny sandriny na inona na inona ananany manodidina anareo. Vonoy fotsiny avy eo amin'ny loha izy dia azonareo izy.

Ary tahaka an'izany no nataon'i Jesosy rehefa Izy—rehefa maty nohon'ny fahotana Izy: Novonoiny ny zavatra rehetra izay hany nataon'ny fahotana, nanavotra antsika manontolo Izy. Isika ankehitriny dia misintona an'ilay—ilay karama avy amin'ny antsika lehibe... ilay vola antoky ny fanafahantsika manontolo amin'ny Fihaviany indray.

Noho izany, hitanareo, ny aretina mivantana dia—dia vokatry ny fahotana. Nanota ny olona iray. Tsy nisy aretina raha tsy nisy fahotana. Ary avy eo rehefa niditra ny fahotana, dia nanaraka an'izany ny aretina. Ny aretina dia toetra iray an'ny fahotana. Ary noho izany, rehefa namono ny fahotana Izy, dia izany no naka an'ireo toetra rehetra niaraka tamin'izany. Hitanareo, tsy maintsy izany.

Ankehitriny, dia hamaky ampahany iray an'ny Soratra isika izao hariva izao.

Faly tokoa aho ny manana, eto aoriako eto izao hariva izao, ny andian'ireo rahalahiko mahafinaritra izay tao amin'ilay fivoriana aninkeo maraina, ary mahita, mahita an-dRahalahy Shakarian iry aoriana iry, ihany koa, ary maro amin'ireo sakaizako, betsaka amin'izy ireo. Tena faly aho ny manana

anareo rahalahy eto izao hariva izao. Mivavaha ho ahy ankehitriny, raha sitrakareo.

Ankehitriny, ndao isika hamadika ao amin'ny Soratra, ho an'ny lahateny kely iray fotsiny, raha sitraky ny Tompo.

<sup>2</sup> Ary tsarovy, rahampitso hariva, hivavaka ho an'ny marary indray. Ary ankehitriny rehefa miteny aho...Henoy, aoka ny olona rehetra hanandrana hanao an'ity, aza miandry zavatra anankiray hitranga. Ny zavatra hataonareo, dia ny mino an'Andriamanitra izao ankehitriny izao. Minoa Azy izao ankehitriny izao! Hitanareeo?

<sup>3</sup> Ankehitriny dia efa nisy ireo karazana asam-panompoana rehetra. Andriamanitra, ao amin'ity andro farany ity, mino aho, dia nanome antsika ny zavatra rehetra izay Ananany ao anatin'Ny Bokiny. Ny zavatra rehetra izay Nampanantenainy, dia efa hitantsika, nefo ilay izy dia toy ny hoe mbola tsy afaka mandramby an'izany foana ny olona. Ireo izay voatendry handramby an'izany, no handramby an'izany; ireo irery ihany. Manajamba ny anankiray izany; manokatra ny mason'ilay iray hafa.

<sup>4</sup> Tsarovy, mino aho fa Jesosy Kristy no tsy miova omaly, anio, ary mandrakizay. Tsy maty Izy, fa velona mandrakizay. Ary eto Izy izao hariva izao. Ao amin'Ny Fanatrehany isika, izao hariva izao, ary eto Izy hanamarina sy hanao tsara ny teny fikasana rehetra izay Nataony ho an'ity andro ity. Ary Izy no tsy miova omaly, anio, ary mandrakizay. Noho izany, ny zavatra rehetra izay naха-izy Azy, dia izany Izy, izao hariva izao. Noho izany dia ndao isika hino Azy ankehitriny, raha mamaky Ny Teniny ka hiresaka ny Aminy, mandritry ny dimy ambin'ny folo, roapololo minitra manaraka.

<sup>5</sup> Genesisy, ny toko faha-22, ary ny andininy faha-7 sy faha-8, mba hakana lahateny iray.

*Ary Isaka niteny tamin'i Abrahama rainy, ka nanao hoe, Ry ikakiko: dia hoy izy hoe, Inty aho, anaka. Ary hoy izy hoe, Indro ny afo sy ny kitay: fa aiza ny zanak'ondry ho an'ilay fanatitra dorana?*

*Dia hoy Abrahama hoe, Anaka, Andriamanitra irery ihany no hanomana ny zanak'ondry ho an'ilay fanatitra dorana: koa dia niara-nandeha izy roa.*

<sup>6</sup> Tompo Jesosy, tahio Ny Teninao, enga anie Izy tsy hiverina foana, fa enga anie ireo voa hilatsaka eo amin'ny tany izay hamokatra famonjena ho an'ireo izay manana ilaina, arabatana sy ara-panahy. Mametraka ny tenanay Aminao izahay; ny fiangonana, ny mpanatrika, ny Teny, ny lahateny, ny fotokevitra. Enga anie ny Fanahy Masina no hifehy ny tenanay, mba ahitanay an'i Jesosy Kristy. Amena.

<sup>7</sup> Tiako ny hiresaka mandritr'ireo minitra vitsy manaraka ankehitriny eo amin'ny: *Ny Lèlana Nomanin'Andriamanitra Ho An'Izao Andro Izao*.

<sup>8</sup> Efa nanana lèlana iray foana Andriamanitra. Lèlana roa no misy, izany dia, ireo lèlantsika na ireo Lèlany. Manana lèlana iray Andriamanitra ho an'izao andro izao, satria nanao lèlana iray foana Izzy ho an'ny zavatra rehetra. Andriamanitra, tany amin'ny voalohany, dia nahafantatra ny farany, noho izany dia nametraka Ny Sorany Izzy ho an'ny taona tsirairay. Ary io taona io, rehefa tonga izy... Aza diso amin'ny fahitana an'ity ankehitriny. Io taona io, rehefa tonga izy, mazàna dia mikorontana ao anatin'ny isma ilay asam-pitoriana, sy ny sisa, ary ireo fombafomba, hany ka any amin'ny iray tapitrisa maily miala amin'ny Teny no misy azy.

<sup>9</sup> Ary noho izany dia mandefa olona iray eo amin'ny sehatra foana Andriamanitra, mpaminany iray. Ary io mpaminany io... Tsy manova ny Rafitrany mihitsy Andriamanitra. Tsy manova an'ireo Lèlany mihitsy Izzy. Manao an'izany amin'ilay fanao iray ihany foana Izzy. Manao foana Izzy; tsy maintsy manao an'izany Izzy amin'ity fotoana ity. Ary, amin'ny alàlan'izany, no iasan'Andriamanitra sy anamarinany an'io Teny io. Araka ny noteneniko taminareo omaly hariva, Andriamanitra no manao ny Fandikany manokana. Tsy mila olona iray handika ny Teny Aminy Andriamanitra. Izzy no mandika an'Izany Samirery, amin'ny alàlan'ny fanamarinana an'Izany, manao an'Izany ho zava-misy. Ary rehefa milaza Andriamanitra fa hanao zavatra anankiray Izzy, amin'izay fotoana izay dia Ataony izany, tsy misy fanontaniana intsony ny amin'izany. Izany no fomba Anaovany azy.

<sup>10</sup> Noho izany dia nanao lèlana iray ho antsika Andriamanitra. Tia an'ireo Zanany Andriamanitra. Tiany ny Olony. Te-hanampy azy ireo Izzy. Te-hanampy anareo Izzy mihoatra noho ny itiavanareo ho hampiana. Raha afaka mampiditra an'izany ao anatin'ny fonareo fotsiny ianareo, hoe Andriamanitra dia manaiky ny hanampy anareo mihoatra noho ny hanekenareo hanampy ny tenanareo. Saingy manana lèlana iray Izzy, ary izany ihany no fomba tokana Hiasany amin'ny alàlan'ny Fombany. Tsy maintsy manaraka an'ireo Fepetrany ianareo, tsy ireo fepetranareo. Ireo Fepetrany! Tianareo amin'ny fomba anankiray ilay izy, saingy Izzy—Izzy no manome an'izany anareo amin'ny Fombany.

<sup>11</sup> Tahaka an'i Namana niroboka tao anatin'ny—ny—ny ranon'i Jordana. Nahoana, nilaza izy fa ireo rano any amin'ny fireneny dia mbola madio kokoa sy tsaratsara kokoa, saingy tsy izany no nolazain'ilay mpaminany. "Miroboha eto." Niroboka indray mandeha izy, mbola teo foana ny habokana; in'enina, mbola teo foana ilay izy. Tsy maintsy nankatò izy ary

nanaraka ny lèlàn'Andriamanitra. Ary rehefa nankatò feno ny lèlàn'Andriamanitra Izzy, dia niala ilay habokana.

<sup>12</sup> Ary milaza aho, izao hariva izao, hoe raha mankatò ny lèlana nomanin'Andriamanitra isika, dia hiala ny habokana, hiala ny aretina, hiala ny zavatra rehetra, saingy tsy maintsy manaraka ny Lèlany ho an'izao andro izao isika. Ankehitriny, ny miroboka ao anatin'i Jordana dia tsy hahavita soa ankehitriny; ho an'i Namana izany. Ny lalàna dia ho an'ireo—ho an'ireo Jiosy. Ny fahasoavana dia amin'ny alàlan'i Kristy.

<sup>13</sup> Fa ny taona tsirairay dia manana ny anjarany amin'ny Filazantsara efa voalaza mialoha. Ity Baiboly ity no fanambarana feno an'i Jesosy Kristy. Tsy misy anampiana intsony amin'Izany, na zavatra esorina avy amin'Izany; ilay olona izay manao an'izany dia voaozona. Tsy afaka manampy na inona na inona amin'Izany isika, manaisotra na inona na inona avy amin'Izany. Tsy maintsy mijery Ato isika ka mahita an'izay nampanantenaina ho an'ity taona ity, ary avy eo dia mahita an'izany mitranga. Izany no Andriamanitra mandika Ny Teniny Manokana. Rehefa Izao no voalaza hoe, "Hanan-anaka ny virijiny," dia nanana izy. Izany no fandikan'Andriamanitra an'Izany. Izay Ampanantenainy, dia izany no Ataony.

<sup>14</sup> Ankehitriny hitantsika fa tsy manova an'ireo Rafitranay amin'ny fanaovan-javatra Andriamanitra. Manao an'ilay izy mitovy foana Izzy. Isika no miova tsy ankitsahatra satria manam-petra isika. Manao an'ireo karazana fahadisoana rehetra isika, ary afaka manatsara sy manao tsaratsara kokoa. Fa Andriamanitra dia tsy manam-petra. Ny Fanapahan-keviny voalohany dia tanteraka foana. Tsy afaka ny ho manan-tsaina kokoa Izzy. Izzy no... Izzy no loharanon'ny fahendrena rehetra. Izzy no fahendrena rehetra. Izzy no hery rehetra, faratampon'ny hery, manerana, faratampon'ny fahaizana, ary tsy manam-petra. Koa noho izany, rehefa milaza zavatra iray Izzy, dia antony eo ambonin'Izany ny fanahinareo, satria marina izany.

<sup>15</sup> Ankehitriny dia hoy ireo fiangonana sasany hoe, "Ary izahay tsy mino an'Ity, ary izahay mino an'itsy." Andriamanitra tsy hitsara mihitsy an'izao—an'izao tontolo izao amin'ny alàlan'ny fiangonana iray. Mitsara an'izany amin'ny alàlan'i Jesosy Kristy Izzy, ary Jesosy no Teny. Hitsara ny fiangonana amin'ny alàlan'ny Teny Izzy.

<sup>16</sup> Ary raha *Ity no* fanambaran'i Jesosy Kristy ho an'ny taona rehetra, ary ho an'ity taona ity, dia Nambaran'ny ao anatin'ity Baiboly ity izay Hataony ao amin'ity taona ity; ary rehefa mahita an'Izany manao an'ilay izy isika, rehefa mahita Azy manao an'izay Nampanantenainy hatao isika. Tsy fahaterahana ara-virijiny iray; roa arivo taona lasa izany. Fa izay Nampanantenainy hatao amin'izao andro izao, izay Nolazainy

fa Hataony amin'izao andro izao, dia izany no maha-izy Azy amin'izao andro izao.

<sup>17</sup> Matetika, dia hoy ny olona hoe, “Eny, izaho tsy mino an’Ity.” Eny, manana ny mpandika tenin’i Eva indray ianareo; maka ny ampahan’Izany fotsiny, fa tsy ny rehetra amin’Izany.

<sup>18</sup> Noho izany dia tiantsika ny hahatsiaro fa mijanona ho tsy miova hatrany Andriamanitra. Ny Teniny, ary izay Lazainy, dia Hataony izany.

<sup>19</sup> Mba hanehoana fa tsy miova Izy. Ao amin’ny Genesisy 1, hoy Izy hoe, “Aoka ny voa tsirairay hamoa araka ny karazany avy. Aoka ny voa tsirairay hamoa araka ny karazany avy.” Ary eo mihitsy, no ikasihantsika zavatra iray eo mihitsy izay mandavo tanteraka an’ireo mpino ny fivoarana. Tsy afaka mampanaranaka zavatra indray ianareo. Alaivo ohatra ny soavalysy—sy ny... sy ny—ny ampondra, ampanaraho miaraka izy ireo, mahazo ramole iray ianareo, fa ny ramole iray dia tsy afaka hampanaranaka indray ka hahazo ramole hafa iray. Mijanona eo mihitsy izany. “Ny voa tsirairay araka ny karazany avy.” Afaka manao fampanarohana iray izy ireo, saingy manova ny tenany hiverina avy hatrany indray izany, maneho fa tsy mivoatra tahaka an’izany ilay izy. Tsia, tompoke. Mijanona eo mihitsy izany. Afaka mampanaranaka epinara sy zavatra hafa ianareo, miaraka, ary mamokatra laisoa ringitra iray, fa tsy afaka mampanaranaka an’izany indray ianareo. Tsia, tompoke. Afaka mampanaranaka katsaka mifangaro ianareo; fa amboleo indray io katsaka mifangaro io, fa tsy mahazo na inona na inona ianareo. Tsy maintsy mampanaranaka an’izany indray isan’andro ianareo. Satria, hoy Andriamanitra hoe, “Aoka ny voa tsirairay hamoa araka ny karazany avy.”

<sup>20</sup> Ary ankehitriny, amin’ny alàlan’ny fampifangaroana zavatra, dia jereo izay misy an’izao tontolo izao amin’izao andro izao. Namaky lahatsoratra iray aho teto, avy tao amin’ny Reader’s Digest, hoe, “Roapolo taona manomboka izao, dia tsy hahazo zazakely intsony ireo vehivavy, raha mitohy izao. Mihinana sakafo mifangaro izy ireo.” Ilay zavatra amin’ilay izy dia, nafangaron’izy ireo izany, nefo tsy tahaka an’izany no nanaovana ny olombelona, hihinana an’izany karazantsakafo izany. Izy dia natao hihaona amin’izany ao...na hihinana an’izany araka ny namoronana azy. Izany no antony, amin’izao andro izao, hoe tsy afaka mitahiry hena izy ireo ka ny zavatra rehetra dia arak’izay maha-izy azy, dia satria mifangaro izy, nambolena tao amin’ny mafana, ary, oh, ny karazampanao rehetra. Mifangaro fotsiny izy rehetra. Izany dia tonga eo amin’izay ahapotehin’ny taranak’olombelona manontolo amin’ny alàlan’ireo zava-bitany manokana, amin’ny alàlan’ny fiezahana maka zavatra iray izay nataon’Andriamanitra tsara, ka mamadika an’izany ary manao an’izany amin’ny fomba

hafa iray, amin'ny fombany manokana. Avelao arak'izay nanaovan'Andriamanitra azy ilay izy!

<sup>21</sup> Tonga eo amin'ny toerana iray mihitsy aza izany izay iezahan'izy ireo manafangaro an'ireo fiangonana, amin'izao andro izao; avy amin'ny tena batisan'ny Fanahy Masina, mankany amin'ny fandraisan-tànnana; karazana famafazana iray, ho an'ny batisan'ny rano. Oh, oadray! Mifangaro ny zavatra manontolo. Te-hiverina isika.

<sup>22</sup> Ny voly mifangaro iray, tsy maintsy mandrotsirotsy azy sy manondraka azy ianareo, ary manala an'ireo bibikely sy voangory hiala aminy. Fa tsy ny voly iray tena izy salama; matanjaka izy, mahery, tsy misy bibikely tonga eo aminy. Manana ampy handroahana an'ireo bibikely izy ao anatiny.

<sup>23</sup> Ary tahaka an'izany ny Kristiana tena izy iray! Tsy mila mandrotsirotsy azy sy mikapokapoka azy ianareo, ary hiteny aminy an'ity, itsy, na ny *hafa*. Manana zavatra izy ao anatiny, ny batisan'ny Fanahy Masina, izay mandroaka ny sisa rehetra amin'izany hiala. Tsy mila miangavy azy, satria izy dia volin'Andriamanitra iray tena izy. Manana zavatra izy ao anatiny izay miady. Ny Kristiana iray dia miady ny inch tsirairay an'ilay tany izay itsanganany. Tsy maintsy manao an'izany izy, raha mba manantena ny hisy. Ary, amin'ny fanaovana an'izany, dia misy Zavatra ao anatiny izay miahy azy.

<sup>24</sup> Nanandrana ny hanafangaro ny Teny i Eva, tany amin'ny voalohany. Niteny taminy Andriamanitra hoe, "Ny andro ihinananao an'izany, dia amin'izany andro izany no ahafatesanao." Nanandrana hanafangaro an'Izany amin'ny fahalalana izay nomen'i Satana azy izy. Ary rehefa nanao izy, dia veriny ilay taranak'olombelona manontolo, teo mihitsy, ho an'ny devoly, rehefa nanandrana nanafangaro ny Tenin'Andriamanitra tsy mifangaro tamin'ny fahalalana izy.

<sup>25</sup> Tsy avy amin'ny fahalalana ny Teny izany, tonga amin'ny alalan'ny herin'ny Fanahy Masina izany! "Tsy amin'ny hery, na fahatanjahana, fa amin'Ny Fanahiko," hoy ny Tompo. Tahaka an'izany no anaovan'Andriamanitra azy. Ny Tenin'Andriamanitra no Voan'ny Fiaianana Mandrakizay.

<sup>26</sup> Raha manandrana manafangaro an'Izany ianareo, dia inona no hataonareo? Hamono ny tenanareo amin'Izany ianareo. Tsy hety izany. Tsy hifangaro Izany tahaka ny menaka na rano tsy hifangaro mihitsy. Tsy hanao an'izany Izy.

<sup>27</sup> Izy ireo tsy niezaka mihitsy, na oviana na oviana, hitady zavatra izay tsaratsara kokoa noho ny lâlan'Andriamanitra hanaovana an'izany. Fantatrareo, tsy nahita fomba iray mihitsy izy ireo, tsaratsara kokoa, hahateran'ny akohokely iray eto amin'ity izao tontolo izao ity, afa-tsy ny mitsaingoka mamoaka ny tenany avy ao amin'ny akorany. Efa fantatrareo ve izany? Tsy nahita fomba iray tsaratsara kokoa mihitsy izy ireo. Teraka

niaraka tamin'ny mifaingoka kely iray ilay akoho kely eo amin'ny tendron'ny—eo amin'ny tendron'ny vavany. Ary io vava kely ananany io, handehanana hiasa sy handehanana hangadingady, hangadingady mandroso sy miverina, mandrapanaony ny lohany hanomboka, manao ny lohany hivoaka, maka ny lèlany malalaka. Izany no lèlana nomanin'Andriamanitra. Raha misintonia azy hivoaka avy ao amin'ilay akora ianareo, dia hamono azy izany. Tsy ho velona izy raha misintonia azy hivoaka avy ao amin'ilay akora ianareo. Tsy maintsy manaraka ny lèlana'Andriamanitra izy.

<sup>28</sup> Izany no olana amin'ireo Kristiana amin'izao andro izao. Nosafosaointsi ka tena malefaka izy ireo, ary noraisintsika ny tènan'izy ireo ka nampidirintsika antsokosoko izy ireo, ka nanakambana azy ireo tamin'ny fiangonana. Ny ilain'izy ireo dia vavaka eny amin'ny alitara amin'ny fanao fahiny izay ivavahan'izy ireo hatrany, mandra-pampiasany ny tenany, hanaraka ny lèlana nomanin'Andriamanitra, mandrapanafak'izy ireo ny tenany hiala amin'izao tontolo izao. Ny olana amin'ilay izy, amin'izao andro izao, dia mametraka ny anarany eo amin'ny boky izy ireo ary mikambana amin'ny fiangonana, dia izay ihany no misy amin'ilay izy. Fa ny lèlana'Andriamanitra, lèlana nomanina, dia ny mijanona eo ary mitady ny lèlana'reo, mandra-panomezan'Andriamanitra anareo ny Fahateraham-baovao. Marina tokoa izany. Avoahy izy, fa hamono azy izany.

<sup>29</sup> Izany ilay olana, amin'izao andro izao, amin'ny olona. Fahateraham-baovao iray, misoroka an'izany izy rehetra. Tsy tian'izy ireo izany. Oh, nosoloin'izy ireo zavatra iray ny Fahateraham-baovao hoe, "avia ka minoa, dia izay ihany no tokony ataonareo." Ny devoly dia mino, ny tenany, nefà fantatrareo fa tsy nateraka indray izy. Misy ny Fahateraham-baovao iray. Misy zavatra iray mandeha miaraka amin'izany, izany dia karazan'ny tsy mety, tsy misy tsirony ho an'izao tontolo izao.

<sup>30</sup> Ny fahaterahana rehetra dia loto iray. Tsy ahoako na aiza no misy azy. Raha ao anatin'ny tranon-kisoa iray izany, na—na hopitaly iray. Ny fahaterahana dia loto iray.

<sup>31</sup> Toy izany koa ny Fahateraham-baovao! Izany dia hampanao anareo an'ireo zavatra izay tsy noeritreretinareo hatao. Izany dia hanao anareo handohalika eo amin'ny alitara sy hitomany, hikiakiaka, hanasa ny loko hiala amin'ny tarehinareo, hanangana ny tènanareo, hidera an'Andriamanitra, hiteny amin'ny fiteny tsy fantatra, ary ireo karazan-javatra rehetra. Hanao an'izany ny Fahateraham-baovao satria izany no lèlana nomanin'Andriamanitra hahaterahana indray.

<sup>32</sup> Tsy maintsy maty ianareo. Tsy maintsy maty ianareo alohan'ny ahafahanareo ho hateraka indray. Ny voa rehetra dia tsy maintsy maty alohan'ny ahaterahany indray. Raha tsy

maty izy, dia mitoetra irery. Tsy maintsy maty amin'ny fisainany manokana ny olona iray. Tsy maintsy maty amin'ny fisainany mikasika ny zavatra rehetra izy afa-tsy ny Tenin'Andriamanitra, ka manaraka ny Lèlany. Izany no tanin'Andriamanitra. Tsy mihaona Aminy eo amin'ny fisainantsika isika; mihaona Aminy eo amin'izay Nolazainy hatao isika. Izany no lèlana nomanin'Andriamanitra ho an'izany. Misoroka an'izany ny olona; tsy ilain'izy ireo izany. Saingy marina izany, na izany aza. Izany dia, mamokatra fahafatesana izany, ka tsy maintsy maty ianareo, maty amin'ny fisainanareo.

<sup>33</sup> “Eny, fantattro fa milaza an'izany ny Baiboly, saingy tsy mety azoko izany.” Noho izany dia mijanòna eo mandrapanambaran'Andriamanitra an'ilay izy. Marina izany. Izany dia... Izany no Fahateraham-baovao.

<sup>34</sup> Ireo ganagana sy gisa, tsy nahita fomba iray tsaratsara kokoa mihitsy izy ireo handehanany any Atsimo, afa-tsy ny nivangongo aloha. Ary marina izany. Hahita azy rehetra ireo miaraka mivory ianareo ary ho tonga samirery izy ireo, karazana fanamboloana iray no mitarika azy ireo miaraka, ary miaraka mivory izy ireo ka mivangongo alohan’ny anidinan’izy ireo, alohan’ny andehanany any Atsimo. Inona izany? Fotoan’ny fifohazana izany, rehefa miaraka mivory izy ireo. Efa mba nandre fipentsompentsona iray tahaka an'izany ve ianareo tamin’ny fiainanareo, toy ny mandre an'ireo gisa miaraka mivory ireo, na ireo ganagana ireo? Tsy mbola nandre tahaka an'izany mihitsy aho! Ary izy ireo dia... Tsy misy fomba hafa, tsaratsara kokoa ho azy ireo hanaovana an'izany.

<sup>35</sup> Matetika, any anaty ala any avaratra, dia mandinika ny fiandohana voalohan’ilay toetr’andro mangatsiaka aho, any Canada. Andiana ganagana no teraka eo amin’io farihy io mihitsy, tsy mbola niala teo amin’io farihy io mihitsy izy ireo, tsy niala io vorona kely io. Ary ny zavatra voalohany fantatrareo, dia midina avy any Avaratra ny tsio-drivotra mangatsiaka iray. Io ganagana lahy kely io, antitra kely, teraka ho mpitarika iray fotsiny izy, mandeha avy hatrany eo afovoan’io kamory io, mampiakatra ny vava keliny eny amin’ny rivotra, nikaonkaona in’efatra na indimy, dia nanatona azy avy hatrany ny ganagana rehetra teo ambonin’io kamory io. Ary mitsangana avy eo izy, dia mandeha mahitsy mankany Louisiana arak’izay azony andehanana, mankany amin’ireo tanimbary.

<sup>36</sup> Nahoana? Tsy mbola nahita fomba iray tsaratsara kokoa handehanany any mihitsy izy ireo. Tsy afaka manangona azy ireo miaraka ianareo. Ataovy ao anaty vilany iray izy ireo ary... tranon’akoho iray, dia ento any amin’ny fiarabe izy ireo. Manana saina tsaratsara kokoa noho izany io ganagana io. Ary apetraho ao anatin’io tranon’akoho io izy, mba hitondrana azy any, fantany fa mandeha mankany amin’ilay toerana

famonoana izy. Marina tokoa izany. Mandeha amin'ny lèlana nomanin'Andriamanitra izy.

<sup>37</sup> Tahaka an'izany no tokony hataon'ny olona amin'izao andro izao, tsy angonina ao anatin'ny tranon'akoho ara-anaram-pianganana iray. Fa miditra ao amin'ny lèlana izay nolazain'Andriamanitra hidirana, amin'ny alàlan'ny batisan'ny Fanahy Masina sy ny Fahaterahambaoavo, fifohazana mivangongo. Tsy mikambana amin'ny fianganana, mitety varavarana, ary mizara magazina; fa Fahaterahana iray, nateraka indray, feno ny Fanahy Masina, ny lèlana'ndriamanitra, manao ny tenany ho afaka amin'izao tontolo izao. Marina! Mino ny Tenin'Andriamanitra! Eto ilay ora. Izany no tsy maintsyo inoantsika.

<sup>38</sup> Ny olona, ianareo tsy afaka mihitsy... Tsy ahoako na lehilahy firy no hanandrana handeha hankany amin'io kamorin-ganagana any io ka hanao hoe, "Andraso iray minitra ankehitriny, ianareo ganagana kely, manana zavatra horesahana aminareo aho. Manana ganagana iray nianatra isika eto. Izy manana Ph.D. iray sy LL.D. Teneniko aminareo, afaka mitarika anareo izy."

<sup>39</sup> Manana saina tsaratsara kokoa noho izany ireo ganagana ireo. Eny, tompoko. Tsy raharahian'izy ireo ny mikasika ny fianarany tsaratsara kokoa, na inona na inona ilay izy. Afaka miteny an'ilay fikaonkaonana anankiray izay omeny izy ireo. Fanamboloana iray izany. Oh, oadray! Tokony hahafantatra betsaka mikasika ny Tenin'Andriamanitra ny fianganana!

<sup>40</sup> Feo hafahafa anankiray izany. Hoy ny Baiboly hoe, hoy i Paoly hoe, "Raha manao feo hafahafa ny trompetra, dia iza no afaka hanomana ny tenany ho amin'ny ady?" Marina izany, raha ny fianganana—raha manao feo hafahafa iray ny fianganana mikasika ny "fikambanana."

<sup>41</sup> Hoy Andriamanitra hoe, "Fahaterahana!" Izay nataon'ilay Fahaterahana tany, dia izany ihany no atao'n'ilay Fahaterahana amin'izao andro izao, satria Jesosy Kristy no tsy mivoa omaly, anio, ary mandrakizay. Izay nahe-izy Azy tamin'izany, no maha-izy Azy androany. Izay nataon'izy ireo tamin'izany, no ilay zavatra iray ihany izay ataontsika amin'izao andro izao. Ny fomba nahazoan'izy ireo an'Izany tany, no ilay zavatra iray ihany izay ataon'izy ireo amin'izao andro izao. Ilay Zavatra iray ihany izay ananan'izy ireo amin'izao andro izao, no nananan'izy ireo tany aorianana tany. Raha tonga mihitsy Izany, dia tahaka an'izany no Ahatongavany. Izany ilay lèlana, lèlana nomanin'Andriamanitra. Tsy mivoa mihitsy izany.

<sup>42</sup> Tsy mivoa mihitsy ireo ganagana. Mivangongo tanteraka izy ireo, isan-taona, mandeha any avaratra, atsimo, ary na lèlana iza na iza no alehan'izy ireo. Mivangongo aloha izy ireo.

<sup>43</sup> Tahaka an'izany no ataon'Andriamanitra. Mandefa Ny Teniny amin'ny vanim-potoana Izy, io vanim-potoana io, avy eo dia voaseho Izany. Ary tsy ahoako na zavatra hafa firy no miseho; rehefa mahita ny Tenin'Andriamanitra nampanantenaina ho an'io andro io izy ireo, voamarina sy nampanantenaina, dia tsy misy na inona na inona hampijanona azy ireo. "Hanan-anaka ny virijiny." Ary rehefa nilaza izy ireo . . .

<sup>44</sup> "Ny Tompo Andriamanitsika dia hanangana Mpaminany iray tahaka ahy," hoy i Mosesy.

<sup>45</sup> Ary rehefa nahita an'io Lehilahy io tonga izy ireo ka nanao an'ireo zavatra izay Nataony, dia fantatr'izy ireo fa io no Mesia. Rehefa nahita an'izany vita i Filipo, dia hoy izy hoe, "Ianao no Kristy. Ianao no Mpanjakan'i Israely." Fantany izany satria ny Teny no ef a nampanantena an'izany, ary velona izany tamin'io andro io. Tsy mampaninona na Fariseo firy, Sadoseo, no nitsangana teo, Mpampianatra momba an'Andriamanitra, tsy nampijanona azy izany na kely aza, satria niandry an'io famantarana io izy. Rehefa nahita an'izany natao izy, dia izany no famantaran'ilay ora. Izany no nandrasan'izy ireo, ny lâlana nomanin'Andriamanitra. Eny, tompoko.

<sup>46</sup> Ankehitriny dia tsy afaka hanome ho an'ny ganagana iray, fianarana ianareo. Tsy afaka hanao an'izany izy. Tsy hila an'izany izy. Tsy hanaraka azy ny sisa amin'ireo ganagana, tsy mampaninona na diplaoma firy no azony lazaina fa nananany. "Ankehitriny, jereo eto, ef a nandeha tany amin'ny sekolin-ganagana aho. Fantattro ny rehetra mikasika an'izany. Nahazo diplaoma aho. Fantattro ireo zavatra rehetra ireo." Tsy hahavita soa izany na kely aza. Tsy hanaraka azy ny iray amin'ireo ganagana hafa ireo, raha toa izy ireo ka ganagana tena izy, amena, satria miandry famantarana anankiray izy ireo. Rehefa hitan'izy ireo io famantarana io, dia mino an'izany izy ireo.

<sup>47</sup> Ary raha ganagana iray no manana fomba iray hahafantarana an'izany, dia ahoana ny amin'ny Kristiana iray nateraka indray? Tokony hahafantatra an'i Jesosy Kristy ao amin'ny herin'ny Fitsanganany isika. Marina. Andriamanitra no manao an'izany araka ny lâlana nomanin'Andriamanitra.

<sup>48</sup> Tsarovy, tsy ny fianarana no fitaovana hitarika azy ireo hankany amin'ny toerana nomanin'Andriamanitra. Ny fitaovana ananan'izy ireo dia ny fanamboloana. Ary izy ireo, ireo ganagana ireo, dia mahafantatra fa io fanamboloana io no hitondra azy ireo hankany amin'ny toerana nomanin'Andriamanitra.

<sup>49</sup> Toy izany koa no itondran'ny Fanahy Masina an'ilay Fiagonana hankany amin'ny toerana nomanin'Andriamanitra. Tsy mikambana amin'ny fiagonana iray, fa ny ho feno Ny Fanatrehany, mba hahita Ny Teniny tonga voaseho, voamarina. Izany no lâlana nomanin'Andriamanitra ho an'ny fiagonana, isan'andro, ho an'ny olona, mba hitondrana azy ireo mankany

amin'ilay toerana izay nomanin'Andriamanitra ho azy ireo. Izany marina tokoa no tokony hataon'ny fiangonana amin'izao andro izao. Ankehitriny, fantatsika fa marina izany.

<sup>50</sup> Tsy misy fomba tsaratsara kokoa ho an'ny... Tsy nahita fomba iray tsaratsara kokoa mihitsy izy ireo mba hahazoan'ny zazakely iray izay tiany ankoatry ny miantsoantso an'izany. Raha manome azy lakolosy iray ianareo, ka manao hoe, "Junior, vao telo andro fotsiny ianao, saingy ankehitriny raha ilainao ny, raha ilainao ny biberao, dia atsangano ity lakolosy ity ka ampanenoy izy," jereo raha mety izany. Tsy mety izany. Hiantsoantso an'izay ilainy ilay zazakely. Izany no lèlana nomanin'Andriamanitra. Arakaraky ny iantsoantsoanareo mafy kokoa... Aza karavasiana ilay zaza kely, manaraka ny lèlana nomanin'Andriamanitra fotsiny izy. Mila zavatra izy. Marina izany. Izany ihany no fomba tokana fantany hiantsoana ny reniny; mikiakiaka an'izany, miantsoantso an'izany. Marina izany.

<sup>51</sup> Izany no atoron'Andriamanitra ho an'ireo Zanany. Izany no atoron'Andriamanitra ho an'ireo Zanany mino. Nanao Izy. Tsy kabary ara-tsaina, tsy teolojia malaza iray, teolojia hampianarana. Mila anareo hiantsoantso an'izay ilainareo Izy. Ary marina izany, antsoantsoy mafy izany! Raha henjana loatra sy madity ianareo, dia tsy hahazo an'izany mihitsy. Raha vonona ny hampiakatra kely ny tenanareo ianareo, ka hiantsoantso, dia homen'Andriamanitra anareo izany. Tiany ny mandre an'ireo Zanany miantsoantso. Antsoantsoy amin'Andriamanitra ireo ilainareo! Mila an'izany Andriamanitra. Izany no Lèlany voaomana. Antsoantsoy mafy izany! Tahaka an'izany no iantsoantsoan'ny zazakely; tahaka an'izany no Itiavany iantsoantsoanareo.

"Hiantsoantso mandra-pahoviana?"

<sup>52</sup> Mandra-pahoviana no iantsaontsoan'ny zazakely iray? Mandra-pahatonga azy ho afa-po. Ary tahaka an'izany no tokony ataon'ny Kristiana mino, zanak'Andriamanitra. Rehefa hitanareo fa Andriamanitra no nanao ny teny fikasana, dia aza ialàna izany, miantsoantsoa mandra-pivalin'izany. Miantsoantsoa mandra-pahitanareo an'Andriamanitra manamarina Ny Teniny. Rehefa manamarina Ny Teniny Andriamanitra, ka manaporofo fa eo ilay izy, amin'izay fotoana izay dia tsy mila hiantsoantso intsony ianareo; azonareo ilay izy, mandehana ka misaora Azy ny amin'izany. Mandra-panaonareo an'izany, dia mikiakiha mafy mandra-pahazoanareo an'ilay izy. Tiako izany, mikiry, manohy mihazona.

<sup>53</sup> Tsy voly mifangaro iray, tsy anankiray izay tsy maintsy rotsirotsiana sy safosafoina, ary entina manodidina. Ireo Kristiana dia tena vokatr'Andriamanitra, tena izy, nateraka, mihitsy. Miady ho an'ny toerany izy ireo, ary miady mandra-

pahavitan'izy ireo eto amin'ity tany ity. Ny hetsika tsirairay an'izany dia ady iray.

<sup>54</sup> Niteny tamin'i Mosesy Andriamanitra fa Nomeny azy ny tany. Niteny tamin'i Josoa Izy hoe, "Ny toerana misy ny tongotra, na ny faladian-tongotrao, manitsaka azy, dia Nomeko anao izany." Tsy maintsy niady ny inch tsirairay an'izany izy ireo. Toy izany koa no iadiansika ny inch tsirairay an'izany. Izany tsy zavatra iray izay tsy maintsy rotsirotsiana sy safosafoina, ary manodidina tahaka an'izao, ka manao hoe, "Eny, hitondra anao etsy aho, hahita izay heverinao mikasika an'izany. Ampitao ny hevitrao." Tsy izany no fomba hanatonana.

<sup>55</sup> Manatòna miaraka amin'ny fanapahan-kevitra. Manatòna mba hijanonanareo eo mandra-pahavitan'izany. Mijanòna eo mandra-pahatongan'Andriamanitra mamaly sy manamarina. Ny olona iray izay mino an'Andriamanitra, dia afaka mahita ny Fanatrehan'Andriamanitra, mahatsapa ny Fanatrehan'Andriamanitra, manimbolo ny Fanatrehan'Andriamanitra, ary mahafantatra fa eto Izy. Eto Izy hamaly ny zavatra rehetra izay Nanaovany teny fikasana amin'ity andro ity. Noho izany, miantsoantsoa mandra-pahazoanareo an'ilay izy! Mifikira Aminy. Aza miala, raha tsy maintsy hijanova andro aman'alina ianareo. Tsy mila an'ireo Zanany hihaino kabary ara-tsaina Andriamanitra. Mila azy ireo hiantsoantso mafy ho an'Izany Izy, mandra-pahatongan'ny teny fikasana ho voamarina.

<sup>56</sup> Abrahama eto dia nila fanatitra iray. Inona no nitranga? Nanomana zanak'ondry iray ho azy Andriamanitra. Izany no lalana nomanin'Andriamanitra. Nila fanatitra iray izy, noho izany dia Andriamanitra no nanomana an'izany. Taty aoriania, ilay toerana dia nantsoiny hoe *Jehovah-Jire*, "ny Tompo no hanomana fanatitra iray ho an'ny Tenany."

<sup>57</sup> Ankehitriny, Joba, indray mandeha, ilay mpaminany antitra, Joba. Mpaminany iray izy. Tafiditra tao anatin'ny olana izy. Naniry ny haka fanahy azy i Satana, ka nopotehiny tamin'ny vay izy. Ary nalainy ireo zanany, nalainy ny biby fiompiny, nalainy izay rehetra nananany, ary nopotehiny tamin'ny vay izy.

<sup>58</sup> Dia tonga ireo mpampionona azy, inona no nataon'izy ireo? Tsy nanome afa-tsý famingavingana izy ireo, nanorisory azy, niteny taminy hoe, "Nahoana, nanota ianao, niafina."

<sup>59</sup> Fa nanohy nihazona tsara mihitsy i Joba. Niantsoantso mafy izy. Azony antoka fa nanaraka an'ireo didin'Andriamanitra izy. Nataony marina tokoa izay nampanantenain'Andriamanitra fa hatao. Izay nampanantenain'Andriamanitra azy, hoe hanohana azy Izy, teo ambanin'ilay fanatitra dorana, dia nianona teo izy.

<sup>60</sup> Noho izany, dia nanome azy fahitana iray Andriamanitra. Mpaminany iray izy. Inona no hitany? Nahita ny Teny izy, Jesosy Kristy. Hoy izy hoe, "Fantattro fa velona ny Mpanavotra

ahy. Ary amin'ny andro farany, dia hitsangana eto ambonin'ny tany Izzy. Na dia levon'ny kankan'ny hoditra aza ity vatana ity, dia mbola hahita an'Andriamanitra ao amin'ny nofoko aho.” Hitanareo, nanome fahitan’ny fitsanganana ho azy Izzy. Izzy satria mpaminany iray, dia nahita ny Teny izy. Nahita ny Teny izy ary fantany fa hitsangana indray ireo taolany sy ny vatany amin'ny andro farany. Nanontaniana izy raha fantany izay nisy an'Andriamanitra, raha afaka hahita fotsiny mantsy izy.

<sup>61</sup> Hoy izy hoe, “Maty ny voninkazo, mitsangana indray izy; mianjera ny hazo, mitsangana indray izy; fa mandry ny olona ary manolotra ny fanahiny, mihalevona izy, aiza izy? O enga anie Ianao hanafina ahy ao am-pasana, ka hitahiry ahy ao amin'ny toera-miafina mandra-pandalon’ny Fahatezeranao.”

<sup>62</sup> Tamin’izay fotoana izay dia nanomboka nierona ny kotrokorana, nanomboka nanjelatra ny tselatra, tonga teo amin’ilay mpaminany ny Fanahin’ny Tompo. Dia nitsangana izy, ary nahita ny Fihavian’ny Tompo izy, ka nihiaikiaka hoe, “Fantattro fa velona ny Mpanavotra ahy, ary hitsangana eto ambonin'ny tany Izzy amin'ny andro farany. Na dia levon'ny kankan'ny hoditra aza ity vatana ity, dia hahita an'Andriamanitra amin'ny nofoko aho.” Nanomana ny Teny Andriamanitra, Jesosy Kristy, ary nahita Azy izy ka niantso Azy ho Mpanavotra azy.

<sup>63</sup> Nila fomba iray ivoahana an'i Egypta i Isirael, ka nanolotra mpaminany iray ho azy ireo Andriamanitra, mpaminany iray izay nanamarina ny Teny izay nampanantenaina an'i Abrahama. Marina tokoa, lalana nomanin'Andriamanitra! Tsy afaka nanofana miaramila iray izy ireo, izy ireo tsy afaka nanao an'ity, izy ireo tsy afaka nanao an'itsy. Ny zavatra tokana izay nataon'izy ireo dia ny niandry ny lalana nomanin'Andriamanitra. Ary niteny Izzy, nanao hoe, “Hitondra an'ireo olona ireo hivoaka Izzy, afaka efajato taona. Ho ao amin'ny fanandevozana ny Olony, saingy hitondra azy ireo hivoaka amin'ny tanana mahery Izzy. Haneho an'ireo Famantarany sy fahagagany Izzy, ary hahazo voninahitra ao amin'io firenena io.”

<sup>64</sup> Indro tonga ilay lehilahy, rehefa niantsoantso sy niantsoantso izy ireo! Ary tsarovy ankehitriny, tsy nahafaka azy ireo ny antsoantso rehetra, mandra-pahatanterak'ilay fotoana.

<sup>65</sup> Ireo zavatra izay hitsika amin'izao andro izao ireo, dia tsy afaka nitranga tany amin'ny roapolo taona lasa, na efapolo taona lasa. Amin'izao andro izao ilay izy vao mitranga. Izao ilay ora! Izao ilay fotoana! Izao no fotoana ahatarerahan'izany. Nahoana? Andriamanitra no nampanantena an'izany, ary eto ilay izy.

<sup>66</sup> Nilaza izy ireo, zato taona lasa izay, hoe, “Tsy mety hisy indray ny batisan’ny Fanahy Masina.” Nilaza izy ireo,

dimampolo taona lasa izay hoe, "Ny Fanahy Masina..." Fa ianareo vahoaka Pentekotista no nanaporofa tamin'izy ireo, hoe izany no oran'Andriamanitra handatsahana ny Fanahy Masina. Tsy mampaninona izay nolazain'ny Metodista, Batista, Presbyterana, Loterana, nijanona tsara tamin'ny Tenin'Andriamanitra ianareo. Nandeha tany ireo lehilahy mahery fo ka nihazona mandra-pahatongan'ny batisan'ny Fanahy Masina, ary niteny tamin'ny fiteny tsy fantatra izy ireo ary nanandratra an'Andriamanitra. Tsy misy olona hafa afaka miteny hafa aminareo. Andriamanitra no Mpandika teniny Manokana; azonareo izany. Mety tsy mahay manazava an'izany ianareo, saingy fantatrareeo fa manana an'izany ianareo. Iza no afaka hanazava an'Andriamanitra? Tsy misy olona afaka.

<sup>67</sup> Izaho tsy afaka miteny aminareo hoe ahoana no ahafahan'Andriamanitra maneho fahitana iray, saingy fantattro fa mitranga izany. Izaho tsy afaka mahita hoe ahoana no ahafahan'Andriamanitra manao an'ireo zavatra ireo. Tsy asako ny manazava an'izany. Izy dia, mitoetra irery. Izy no Elohimia, ilay Anankiray ampy amin'ny tenany. Mpampony fotsiny aho. Fantattro fa Izy no nampanantena an'izany, ary fantattro fa eto izany. Izany no zavatra tokana fantattro. Fantattro fa, fa Izy no tsy miova omaly, anio, ary mandrakizay. Fantattro fa Izy no nampanantena an'izany, ary eto Andriamanitra hanao ny Fampanantenany ho marina. Hia. Ny Lèlana nomanin'Andriamanitra!

<sup>68</sup> Nomena mpaminany iray Isirael, izay nanamarina ny Teny, ary nentina nivoaka izy ireo. Io mpaminany io, Mosesy, nipetraka nandritry ny taona maro tany an-efitra izy, efapolo taona, nitolona niaraka tamin'ireo vahoaka ireo, niezaka nihazona azy ireo mandra-pahafahany nitondra azy ireo nankany amin'ny tany nampanantenaina. Izany dia tonga teo amin'ny toerana iray, tsy maintsy maty ilay lehilahy; roapoloo amby zato taona izy. Tsy nisy toerana iray hahafatesany. Rehefa vonona ny ho faty izy, dia nanomana Vatolampy iray ho azy Andriamanitra; ilay Vatolampy izay nokapohiny tany an-efitra, ilay Vatolampy izay nanaraka azy ireo, izay nisotroan'izy ireo. Nanomana Vatolampy iray ho azy Andriamanitra, toerana iray hahafatesana, izay nahafahan'i Mosesy ho faty tamin'ny fahafatesana mendrika iray.

<sup>69</sup> Eo ambonin'io Vatolampy io, Andriamanitra, avelao aho ho faty eo ambonin'io Vatolampy iray io ihany! Eo no tiako ahafatesana. Jesosy Kristy io Vatolampy io. Eny, tompoko.

<sup>70</sup> Taorian'ny nahafatesany, teo ambonin'io Vatolampy io, dia nila mpibata vatam-paty izy. Nandefa andian'Anjely ho azy Andriamanitra. Nahoana no tsy andiany iray an'ireo loholony? Satria tsy nisy afaka nitondra azy tany amin'izay nalehany, afa-tsy Anjely. Nitondra azy nankao amin'ny Fanatrehan'Andriamanitra Izy ireo, nila mpibata vatam-paty izy

ka Andriamanitra no nanomana an'izany. Nanaraka ny lèlana nomanin'Andriamanitra izy. Haleloia!

<sup>71</sup> Nandeha niaraka tamin'Andriamanitra nandrity ny dimanjato taona i Enoka, ary nahafaly Azy izy. Nila lèla malalaka handehanana hody any an-Trano izy. Andriamanitra no nanomana an'izany.

<sup>72</sup> Nanozona an'i Jezebela mikasika ny tarehiny miloko i Elia, sy ny fombany nampanaooviny ny olona rehetra. Ary reraka sy sasatra izy, ary saiky vonona ny handeha hody any an-Trano. Tena antitra izy ka zara raha afaka niampita an'i Jordana; dia nanomana lèlana iray ho azy hiampitana an'i Jordana Andriamanitra. Te-handeha hiakatra any An-danitra izy, hihona amin'Andriamanitra; dia nampidina kalesy afo iray Andriamanitra, sy soavaly, ary nampakatra azy. Ny lèlana nomanin'Andriamanitra. Ny lèlana nomanin'Andriamanitra. Manao an'izany foana marina tokoa Izy. Marina. Eny, tompoko. Manomana lèlana iray Andriamanitra, isan'andro. Eny.

<sup>73</sup> Ireo olon-kendry, rehefa teny amin'ny lèlany avy tany Babylona izy ireo, dia nahita lèlana iray izay tian'izy ireo nandehanana, satria fantatr'izy ireo fa tsy maintsy ho teraka io Mpanjaka io. Nila famantaran'avaratra iray izy ireo; dia nanomana Kintana iray Andriamanitra. Navelan'izy ireo tany aoriana ny zavatra hafa rehetra. Tsy nila famantaran'avaratra izy ireo; nanaraka an'ilay Kintana izy ireo. Izany no lèlana nomanin'Andriamanitra. Nanomana lèlana iray Andriamanitra, nanaraka an'ilay Kintana izy ireo mandra-pahitany an'ilay Hazavana tanteraka. Oh!

<sup>74</sup> Nila Mpamonjy iray izao tontolo izao, indray andro. Very izy ireo; tsy fantatr'izy ireo izany. Nihevitra izy ireo fa voavonjy, saingy nila Mpamonjy iray izy ireo. Nanomana Zanakalahy iray Andriamanitra, ho Mpamonjy. Nahoana? Tsy nisy olon-kafa afaka nanao an'izany. Tsy nisy olona tany An-danitra, na taiza na taiza, afaka nanao an'izany. Nanaloka virijiny iray Andriamanitra, nanan-anaka izy ary niteraka Zaza-Lahy. Ary tsy Jiosy na Jentilisa io Zaza-Lahy io. Andriamanitra Izy, voaseho tao amin'ny nofo, ilay Anankiray tokana izay afaka nanavotra. Ny Ràno no mamonjy antsika. Ny Ràno no manasitrana antsika. Io Rà io no ahafahantsika hijoroana, ho an'ny teny fikasana rehetra izay Nataony. Andriamanitra no nampanantena hanao an'izany.

<sup>75</sup> Amin'ny alàlan'ny Rà irery ihany no ihaonan'Andriamanitra amin'ny mpivavaka, ary eo ambanin'ny Rà. Nanana toerana anankiray hihona nanao amin'Andriamanitra i Isiraely. Tsy ao amin'ny... Manana Toerana anankiray Andriamanitra, androany, izay Izy—Ihaonany amin'ny mpivavaka; tsy ao amin'ny Metodista, Batista, na Pentekotista. Mihaona amin'izy ireo eo ambanin'ny Rà Izy. Izany no toerana tokana

nomanin'Andriamanitra; tsy ao amin'ny rafi-pandaminana, tsy ao amin'ny firaisana iray. Fa ao amin'ny Rà no ihaonan'i Jesosy Kristy amin'ny mpivavaka Aminy. "Rehefa Hitako ny Rà!" Izany no lâlana nomanin'Andriamanitra.

<sup>76</sup> Rehefa avy resy lahatra marina tokoa ny fiangonana, rehefa nahita Azy izy ireo, hoe Izy no Mesia!

<sup>77</sup> Rehefa ilay vehivavy kely teo amin'ny fantsakana, rehefa nila Mpamony iray izy, nila zavatra iray haseho izy. Efa tany ampiangonana sy ny zavatra hafa rehetra izy, ary efa nahita an'ity fanekem-pinoana ity sy itsy fanekem-pinoana itsy izy ireo, hany ka, nivadika ho mpivaretana iray izy. Namadika azy ho eny andàlambe izany. Indray andro, nandeha izy mba hitondra sinindrano iray, teo amin'ny iraika ambin'ny folo ora ny atoandro, ary nisy Lehilahy iray nipetraka teo; Jiosy iray no teo, teo amin'io toera-malalaka kely io. Ary nilaza izy . . .

<sup>78</sup> Rehefa nampidina ny sininy tamin'ilay fanodinana izy, mba hahazo rano, dia nandre Lehilahy iray izy nanao hoe, "Ravehivavy, itondray Aho hosotroiko." Dia hoy izy hoe . . .

<sup>79</sup> Nitodika haingana izy, ary nihevitra Azy ho Jiosy tsotra iray fotsiny, satria olombelona fotsiny Izy raha mikasika ny vatana. Lehilahy iray Izy; nihinana, nisotro, natory, tahaka ny ataontsika. Tena olombelona Izy hany ka afaka maty Izy, kanefa Andriamanitra Izy. Avy eo dia hitantsika, fa rehefa . . .

<sup>80</sup> Hoy izy "Tsy fanao aminareo Jiosy ny mangataka zavatra tahaka an'izany amin'ny Samaritana."

<sup>81</sup> Hoy Izy hoe, "Fa raha fantatralo hoe Iza no niresaka taminao, dia ianao no hangataka Amiko hosotroina." Hoy Izy, "Mandehana alaivo ny vadinao ka mankanesa eto."

Hoy izy hoe, "Tsy manambady aho."

<sup>82</sup> Hoy Izy, "Nilaza ny fahamarinana ianao. Efa nanana dimy ianao, ary ilay anankiray izay iarahanao miaina ankehitriny dia tsy anao." Inona no nitranga? Nanomana zavatra ho azy Andriamanitra.

<sup>83</sup> Hoy izy hoe, "Tompoko, hitako fa mpaminany Ianao. Fantatralo fa rehefa tonga ny Mesia, dia Izy no hiteny aminay an'ireo zavatra ireo. Izany no Hataony. Ny Teny no miteny an'izany. Miandry an'izany izahay. Leo an'ity karazan-javatra rehetra ity aho, ireo fanekem-pinoan'izy ireo sy ny sisa, Fariseo, Sadoseo, ary Herodiane, na mety ho inona ilay izy. Saingy fantatralo fa ho avy ny Mesia iray, rehefa tonga Izy. Inona no Lazainao mikasika an'izany?"

<sup>84</sup> Hoy Izy hoe, "Izaho no Izy." Amena! Nanomana lâlana iray Andriamanitra. Navelany ilay sinin-drano, vehivavy niova iray, ary nihazakazaka nankany an-tanàna, ka nanao hoe, "Avia, hijery Lehilahy iray Izay niteny tamiko an'ireo zavatra izay nataoko. Tsy izao ve no Mesia?"

<sup>85</sup> Petera, nihaino ny tantaran'i Andrea, ary matetika no nihaino, nandre an'i Andrea niresaka mikasika an'i Jaona hampahafantatra Mesia iray, ary Lehilahy iray, sy ireo zavatra rehetra izay niseho. Zava-miafina daholo izany rehetra izany ho an'i Petera. Fa indray andro dia tonga niaraka tamin'i Andrea izy, mba hahita an'i Jesosy. Ary rehefa tonga tao amin'ny Fanatrehan'i Jesosy izy, dia njery azy Jesosy, ka hoy Izy hoe, "Ny anaranaao dia Simona, ary ianao dia zanak'i Jonasy." Andriamanitra no nanomana an'ilay lèlana hahitan'i Petera hoe Iza Izy. Izy io Mesia io.

<sup>86</sup> Ankehitriny dia hitantsika, fa taorian'ny nahafatesan'i Jesosy, sy niakarany nankany An-danitra, dia nila Hery ilay Fiagonana, mba hijoroana vavolombelona. Nanome azy ireo Pentekosta iray Andriamanitra. Nanomana Pentekosta iray Izy.

<sup>87</sup> Roa arivo taona no lasa, ry sakaiza. Roa arivo taona no lasa. Ao amin'izao andro farany izao, isika dia tena lasa, niditra tao amin'ny rafitry ny Kristianisma ny olona ka nanimba an'Izany indray, nanafangaro an'Izany tamin'ireo fanekem-pinoana, fiagonana, anaram-piagonana, kabary ara-tsaina, hany ka saiky very ilay Hery sy ilay tena zavatry ny Filazantsaran'i Kristy. Ary indro isika miaraka amin'ny Teny nampanantenaina ho an'izao andro farany izao, izay hitranga, izay hiseho; fa tsy mino an'Izany ny olona. Miala lavitra an'Izany izy ireo. Manontany azy ireo ianareo raha Kristiana iray izy ireo; hoy izy ireo, "Izaho mikambana amin'izao-sy-izao." Tsy midika zavatra anankiray izany. Tsy maintsy Kristiana iray amin'ny alàlan'ny fahaterahana ianareo. Ankehitriny dia manana an'ilay zavatra manontolo ao anatin'ny Babylona iray indray isika, taorian'ny roa arivo taona.

<sup>88</sup> Ilay Fiagonana amin'izao andro izao dia mila Hery sy Fahamarinana, indray. Oh! Nanangana Ny Zanany Andriamanitra, mba hahatonga an'izany ho voakarakara, satria hoy Izy hoe, "Vetivety foana dia tsy hahita Ahy intsony izao tontolo izao; fa ianareo no hahita Ahy, satria homba anareo Aho, ho ao anatinareo mihitsy aza." Mahita isika, ao amin'ny Hebreo 13:8 hoe, "Izy no tsy miova omaly, anio, ary mandrakizay."

<sup>89</sup> Mahita isika, ao amin'ny Malakia 4, fa Izy dia nampanantenena Hafatra iray ho antsika amin'ny andro farany, izay "hamerina ny Finoan'ny olona ho amin'ireo ray indray." Izy no nampanantenena an'izany, amin'ny andro farany.

<sup>90</sup> Nampanantenena koa Izy, ao amin'ny Jaona 14:12 hoe, "Izay mino Ahy, ireo asa izay Ataoko no hataony koa. Mihoatra noho izany aza, na lehibe kokoa noho izany, no hataony, satria Aho mankany amin'Ny Raiko."

<sup>91</sup> Niresaka Izy indray andro. Hoy izy ireo hoe, "Mpampianatra, anehoy famantarana iray izahay."

<sup>92</sup> Hoy Izy hoe, “Ny taranaka ratsy fanahy sy mpijangajanga iray dia mitady famantarana.” Izany dia ilay taranaka izay iainantsika amin’izao andro izao. Hoy Izy hoe, “Ary hanome azy ireo famantarana iray Aho. Fa tahaka an’i Jona tao an-kibon’ny trozona, telo andro sy alina, dia toy izany koa no tsy maintsy haha-ao am-pon’ny tany ny Zanak’olona, telo andro sy alina.”

<sup>93</sup> Karazana famantarana inona no ho hitan’ny taranaka ratsy fanahy sy mpijangajanga? Ny famantaran’ny fitsanganana. Ary izany no nampanantenaina antsika amin’izao andro izao, ny famantaran’ny fitsanganana hoe mbola velona foana Izy, Izy no tsy miova omaly, anio, ary mandrakizay.

<sup>94</sup> Hoy Izy hoe, “Tahaka ny tamin’ny andron’i Lota,” araka ny nahitantsika an’izany omaly hariva. “Ny andron’i Lota, izay nitranga tamin’ny andron’i Lota, dia ho toy izany koa amin’ny fihavian’ny Zanak’olona.” Ireo zavatra ireo no nampanantenaina antsika, mbola misy Soratra maro. Mba tsy hangalana fotoana . . . “Vetivety foana dia tsy hahita Ahy intsony izao tontolo izao. *Kosmos*, ‘ilay lamina, ilay taom-piangonana,’ tsy hahita Ahy intsony izy ireo. Fa ianareo no hahita Ahy, satria homba anareo Aho, ho ao anatinareo mihitsy aza, hatramin’ny faran’ilay taona.” “Jesosy Kristy ilay tsy miova omaly, anio, ary mandrakizay.” Inona izany? Izany no famantarana nomanin’Andriamanitra, lâlana nomanin’Andriamanitra.

<sup>95</sup> Niandry an’ilay zanaka i Abrahama. Ny famantarana farany izay hitany talohan’ny fandravâna an’ireo Jentilisa, dia Andriamanitra voaseho tao amin’ny nofon’olombelona, izay nahafantatra an’ireo tsiambaratelon’ny fon’i Saraha rehefa tao anatin’ny tranolay izy. Hoy Jesosy hoe, “Hiverina indray izany amin’ny fihavian’ny Zanak’olona.” Rahalahy, ranabavy, mino aho fa miaina ao amin’izany andro izany isika. Mino aho fa ity no andron’ny teny fikasana.

<sup>96</sup> Tokony hanana finoana ianareo ao amin’izay ataonareo. Raha tsy manana finoana ianareo, raha mandray an’ilay izy am-panombatombavana fotosiny ianareo . . . Ny teny hoe *manombatombana*, araka ny Webster, dia midika hoe, “mahasahisahy foana tsy misy fahefana.” Fa rehefa ny Teny no mampantanena an’ilay izy, ka Andriamanitra no mijoro ao ambadik’io Teny io, dia tsy manombatombana intsony ianareo. Manao marina tokoa an’izay nolazain’Andriamanitra hatao ianareo, ary voatery hanohana an’Izany Izy.

<sup>97</sup> Malaza, fanta-daza, mpa—mpanao fifohazana iray, taona maro lasa izay, nahita azy aho fony aho mbola zazalahy kely iray, dia i Paul Rader. Nilaza tantara iray izy, indray andro, izay miraikitra amiko foana. Hoy izy hoe, “Indray andro, dia nanapaka hazo izahay.” Mpanapaka hazo izy, tany Oregon, ary nilaza fa niteny taminy ilay sefo mba handeha hiakatra teny an-tampon’ilay havoana. Nanonofy izy. Ny nisy azy marina

tokoa teo, teo amin'ilay fotoana, dia tany amin'ireo nosy izy; ary tratry ny tazo izy, tena nahamay, ary teo am-pahafatesana izy. Nandeha nankany amin'ny dokotera iray izy ireo, saingy tany amin'ny maily sy maily izany, tamin'ny alàlan'ny lakana.

<sup>98</sup> Talohan'ny nahafahan'ilay dokotera ho tonga teo, dia efa nanomboka nihanalemy i Paul, lasa narary kokoa sy narary kokoa. Niantso ny vadiny mahatoky izy. Hoy izy hoe, "Malala, miha-maizina ato amin'ny efitra, maizina kokoa, eo am-pikatonana." Ary niditra tao amin'ny tsi-fahatsiarovan-tena izy.

<sup>99</sup> Ary rehefa niditra izy, dia nilaza izy fa nanonofy, rehefa tao anatin'io tsi-fahatsiarovan-tena io izy, hoe naniraka azy hikapa hazo anankiray ny sefony. Hitany ilay hazo, notsapainy ilay hazo, natsatony tao ny famakiny, ary niondrika izy mba hanainga azy. Tsy afaka nanainga azy fotsiny izy. Nolazainy fa lany ny heriny. Tsy afaka nanainga azy fotsiny izy. Hoy izy hoe, "Ny habe rehetra an'ity hazo ity dia, azoko antoka fa afaka manainga azy aho. Avelao aho hanandrana indray." Dia niondrika izy ka nanainga, niasa mafy fotsiny izy mandrapahareraka azy tanteraka. Nipetraka teo anilan'ilay hazo izy, ka nanao hoe, "Tsy fantatro fotsiny izay hataoko. Mila an'io hazo eo io ho any amin'ny tobiny ny sefo, nefä aho tena malemy mba hitondra azy."

<sup>100</sup> Nolazainy fa nandre Feo malemy indrindra izay hany reny izy, ny sefony no niteny; fa nilaza izy, rehefa nitodika izy mba hahita hoe iza no sefony, dia ny Tompo Jesosy ilay izy. Hoy Izzy hoe, "Paul, inona no tena iadianao? Inona no mampisavoritaka anao tanteraka? Hitanao ve io rano mandeha eo io?" Hoy Izzy, "Nahoana no tsy alefanao ao anatin'ilay renirano fotsiny ilay vatan-kazo, dia mitaingina an'izany? Taingeno hatrany amin'ny toby izany."

<sup>101</sup> Nitsambikina teo ambonin'ilay vatan-kazo izy ary nanomboka nidina teo ambonin'ireo alon-drano, nihiakiaka tamin'ny tampon'ny feony. "Mitaingina eo ambonin'izany aho! Mitaingina eo ambonin'izany aho!"

<sup>102</sup> Rahalahy, ranabavy, Jesosy Kristy no nampanantena an'ireo zavatra ireo fa hitranga amin'ny andro farany. Mino aho fa miaina eto isika. Mino aho fa Izzy no tsy miova omaly, anio, ary mandrakizay. Tsy fantattro hoe ahoana no itrangan'izany, saingy mitaingina eo ambonin'Izany aho. Mino aho fa Izany no Fahamarinana, satria Izany no Filazantsara, lèlana nomanin'Andriamanitra. Mino aho fa Izany no Hafatry ny ora, ny fotoana izay iainantsika. Izany no lèlana nomanin'Andriamanitra. Mitaingina eo ambonin'Izany aho!

Tsy hitsambikina hiakatra miaraka amiko ve ianareo, raha manondrika ny lohantsika isika?

<sup>103</sup> Ray any An-danitra, mitaingina ao amin'ny Voninahitra eo ambonin'Ny Teninao izahay. Mino izahay fa Ny Teninao

no Fahamarinana. O Andriamanitra, enga anie ny lehilahy sy vehivavy tsirairay, izao hariva izao, hiakatra eo ambonin'ny Teny, ka hahatsiaro, raha mandeha manerana ny dia izy ireo, fa afaka miaiky izy ireo hoe, "Mitaingina eo ambonin'ny teny fikasan'Andriamanitra aho. Izany no hitondra ahy avy hatrany mankao amin'ny Voninahitra. Izany no lèlana nomanin'Andriamanitra ho ahy androany. 'Jesosy Kristy no tsy miova omaly, anio, ary mandrakizay.'"

<sup>104</sup> Hoy Ianao hoe, "Vetivety foana dia tsy hahita Ahy intsony izao tontolo izao, fa ianareeo no hahita Ahy; satria homba anareeo Aho, ho ao anatinareo mihitsy aza." Ianao no nampanantena anay, Tompo, fa hahita Anao izahay.

<sup>105</sup> Tonga ireo Grika, indray mandeha, ka nanao hoe, "Tompokolahy, te-hahita an'i Jesosy izahay." Ary nomena azy ireo izany tombontsoa izany. Ary izao hariva izao, Tompo, izahay dia te-hahita Anao, ihany koa. Izany no fanirian'ny fonay. Tsy misy olona afaka hany handre ny Aminao, raha tsy te-hahita Anao izy ireo. Noho izany raha navela hahita Anao ireo Grika ireo, ka nanomana lèlana iray Ianao mba hahitanay Anao, manao lèlana iray foana Ianao satria Ianao no tsy miova omaly, anio, ary mandrakizay. Mpanompo iray no nitondra an'ireo Grika ireo tao amin'Ny Fanatrehao, ka afaka nahita Anao izy ireo. Ekeo ho anay ilay tombontsoa iray ihany izao hariva izao, Ray. Enga anie izahay, amin'ny maha-mpanompo, hitondra an'ity mpanatrika ity ao amin'Ny Fanatrehao. Ary enga anie izahay hahita an'i Jesosy, izao hariva izao, Izay tsy miova omaly, anio, ary mandrakizay. Ekeo izany, Tompo.

<sup>106</sup> Vonjeo ny very, Tompo, raha misy lehilahy iray, vehivavy, zazalahy, na zazavavy. Rehefa mahita ny firenenay tena voaloton'ireo mpamono olona sy mpanapa-tenda izahay, ary simba, ka mahita ny fahalovana ao amin'ny firenena amin'izao andro izao! Ary mahita ny fahalovana ao anatin'ireo fiangonana, sy mahita azy ireo mitarika mankany amin'io famonoana ekiomenika any io, satria tsy mandeha eo amin'ny lèlana nomanin'Andriamanitra izy ireo! Mandeha manaraka ny lèlana'ny fanekem-pinoana iray izy ireo raha tokony ho avy amin'ny alàlan'ny Teny.

<sup>107</sup> Andriamanitra, mivavaka izahay mba ireo tena Kristiana, tena izy, nateraka, araka ny nanaovako kisarisary azy, amin'ny maha-tena ganagana, izy ireo... "Ny Ondriko mandre Ny Feoko, tsy hanaraka vahiny izy ireo." Tompo, Ny Feonao dia ny Teny. Izany foana no Lèlanao nomanina ho an'ilay Fiangonana sy ho an'ny olona, dia Ny Teninao. "Ny Teninao no Fahamarinana." Ary Ianao no Teny. Ary ny Baiboly dia miteny aminay hoe, "Ny Tenin'Andriamanitra dia maranitra noho ny sabatra roa lela, mpamantatra ny eritreritra sy ny fisainan'ny fo."

<sup>108</sup> Ahoana no tsy nahafahan'ny Isiraely nahita ny Mesian'izy ireo, nefá hitan'izy ireo fa Izý io Teny io, rehefa afaka namantatra an'ireo eritreritra izay tao am-pon'izy ireo Izý? Nahoana izy ireo no tsy afaka? Azon'izy ireo tamin'ny alàlan'ireo mpaminany izany, hoe afaka ireo mpaminany; saingy rehefa natao tao amin'Ny Zanany ny fahafenoan'Andriamanitra, ka niaina teo anivonay Izý, tamin'izay fotoana izay dia diso tamin'ny fahitana an'izany izy ireo satria nohajambaina.

<sup>109</sup> Tompo, ireo izay manana ny masonry misokatra, izao hariva izao, dia enga anie izahay hahita an'i Jesosy eto afovoanay. Enga anie ho sitrana ny olona marary rehetra. Enga anie ity no handamina an'izany, Tompo, mba tsy hahatonga azy ireo mihitsy, intsony, manomboka amin'ity ora ity... afa-tsy ny hino fa Ianao no Mesia. Manaraka ny lâlan'Andriamanitra izy ireo. Maro amin'izy ireo no eto, izao hariva izao, eo am-pahafatesana. Misy maro eto, izao hariva izao, izay tsy ho eto angamba herinandro manomboka androany, raha Ianao, raha tsy tonga ny Fanampianao.

<sup>110</sup> Ankehitriny, Ray, Ianao dia tomponandraikitra fotsiny ihany amin'izay Nampanantenainao. Fa Ianao no nampanantena fa hahita Anao izahay. Ianao no nampanantena fa izay Nataonao dia hataonay koa. Izao ilay ora. Efa niaiky an'izany aho; mino an'izany aho. Efa nandre Anao nilaza an'izany aho; Ny Teninao no miteny an'izany. Ianao no nanamarina an'izany. Fantatro fa marina izany. Ankehitriny dia aoka ho fantatra izany, Tompo. Efa voasoratra izany, ankehitriny dia aoka ho tanteraka izany, nohon'ny Fanjakan'Andriamanitra. Amena.

<sup>111</sup> Tsy mino aho fa hiantso laharam-bavaka iray isika. Mino aho fa hampiasa an'izany fotsiny avy eto mihitsy aho.

<sup>112</sup> Firy aminareo no marary? Ankehitriny ianareo ve... Hanangana ny tånanareo ianareo, hilaza fa marary ianareo.

<sup>113</sup> Firy aminareo no hilaza an'ilay zavatra iray ihany hoe, "Rahalahy Branham, tsy voavonjy marina tokoa aho"? Hanangana ny tånanareo ve ianareo hoe, "Mivavaha ho ahy"? Andriamanitra hitahy anao, ianao. Tsara izany. Izany dia... Andriamanitra hitahy anao. "Tsy voavonjy aho."

<sup>114</sup> Ankehitriny, ianareo izay nanangana ny tånanareo, sy ianareo izay tsy nanangana, "Fa, Rahalahy Branham, te-ho voavonjy marina tokoa aho. Izany no foko. Mino aho fa tsy misy na inona na inona tavela ho an'iza na iza eto amin'izao tontolo izao." Inona koa, inona no azonareo vitaina, ho lehibe kokoa nohon'ny famonjenareo? "Mivavaha ho ahy. Te-ho voavonjy aho." Hanangana ny tånanareo ve ianareo, manerana ny tranobe rehetra, na aiza na aiza, "Izaho maniry...?"

<sup>115</sup> Firy aminareo no tsy nandray ny Fanahy Masina, manaova hoe, "Fantatro fa tsy maintsy mandray an'Izany aho"?

Atsangano ny tànanareo. “Tsy manana aho; te-hanana aho.” Eny àry, tena vitsy no tsy manana.

<sup>116</sup> Ankehitriny, mihazona Ny Teniny Kristy, ary ianareo tsy maintsy mihazona ny finoanareo Azy. Izy no Teny. Ankehitriny, Hebreo ny toko faha-4, nilaza fa, “ny Tenin’Andriamanitra,” dia Kristy. Kristy no Teny. Mahafantatra an’izany ve ianareo rehetra? Manaova hoe, “Amena.” [Hoy ny fiangonana hoe, “Amena.”—Mpand.] Izy no Teny, “ilay tsy miova omaly, anio, ary mandrakizay.” Izay naha-izy Azy tao amin’i Mosesy, no naha-izy Azy koa tao amin’i Elia; izay naha-izy Azy tao amin’i Elia, no naha-izy Azy tao amin’i Jaona; izay naha-izy Azy tao amin’i Jaona, no Namenoany ny Tenany tao—tao amin’i Jesosy. Ary androany dia Izy no tsy miova tahaka ny naha-izy Azy tamin’izany, ary Izany dia mbola ny Tenin’Andriamanitra nampanantenaina ho an’ilay andro foana, izay manao Azy ho ilay Hazavana izay manazava sy manamarina ny Teny nampanantenaina.

<sup>117</sup> Eo amin’ny andro farany isika, ry sakaiza. Manatrika Jesosy. Fantatro fa efa nandre an’izany ianareo.

<sup>118</sup> Ahoana moa raha tsy nahita mihitsy ianareo, teo amin’ny fiainanareo, ary tsy nanana ny taovam-panamboloan’ny fahitana mihitsy, tsy nisy olombelona nanana, saingy matetitetika mihitsy dia nahatsapa tena fahatsapana iray mafana ianareo? Ary izaho nanana fahitana iray, afaka nahita aho, ary niteny taminareo fa izany ilay masoandro. Hoy ianareo hoe, “Tsy fantatro hoe ahoana no itrangany, fa manana fahatsapana aho, toy ny mafana, izay azonao tsapaina.”

Hoy aho hoe, “Izany ilay masoandro.”

“Inona ny masoandro?”

“Hazavana iray izany.”

“Inona ny hazavana?” Ho tontolo iray vaovao ho anareo tanteraka izany.

<sup>119</sup> Fa ahoana moa raha niteny taminareo aho fa mitsangana eto Jesosy Kristy ankehitriny? Ahoana moa raha niteny taminareo aho fa eto afovoantsika Izy? Izy no nampanantena an’izany. “Na aiza na aiza iangonan’ny roa na telo amin’Ny Anarako, dia eo afovoan’izy ireo Aho. Eo Aho!” Ankehitriny na izany no Fahamarinana, ho ahy, *Ity* no Fahamarinana rehetra, na tsy Izany mihitsy no Fahamarinana. Na *Ity* no Marina, na tsy marina izany.

<sup>120</sup> Ankehitriny, raha ny amin’ny hoe mamonjy anareo, efa Nataony izany rehefa maty teo Kalvary Izy. Manasitrana anareo, efa Nataony izany rehefa maty teo Kalvary Izy. Mino an’izany ianareo. Ny Teny no nilaza fa efa nanao Izy.

<sup>121</sup> Ankehitriny ny zavatra tokana Azony natao, raha nitsangana teto Izy nanao—nanao an’ity palitao sy pataloa

ity, izay Nomeny ahy, dia ny hanaporofo fotsiny aminareo fa Izzy no Mesia.

<sup>122</sup> Tsy amin'ny alàlan'ireo holam-pantsika eny amin'ny Tànany. Ny mpihatsaravelatsihy rehetra dia afaka manao an'izany, mametraka holam-pantsika, sy rà eo amin'ny tarehiny, ary marika sy ny sisa. Azo atao izany. Efa nisy izany. Olona maro mihitsy aza no nohomboana tahaka Azy. Tsy izany ilay izy.

<sup>123</sup> Fa Ny Fiainany, izay tao Aminy! “Ny Zanaka dia tsy afaka manao na inona na inona, amin'ny Tenany, fa izay Hitany ataon'ny Ray.” Izany ilay Fiainana izay tao Aminy, izany no nanaporofo. Tsy satria hoe ny naha-Jiosy iray Azy no nanao an'ilay vehivavy kely teo amin'ny fantsakana hino Azy ho ny Mesia; fa satria afaka namantatra an'ireo eritreritra tao anatin'ny fony Izzy, izany no nanao Azy ho Mesia. Raha izany no fomba nampahafantararan'ny Mesia ny Tenany tamin'ny andro lasa, izany no Làlany nomanina nampahafantarana ny Tenany. Izany no Làlany nomaniny, araka ny Soratra, ho an'ity taona ity. Mino an'izany ve ianareo?

<sup>124</sup> Ankehitriny, ny tsirairay avy aminareo eto, vahiny iray aho. Nijery manodidina aho, tsy mahita olona iray izay fantatro aho. Ny olona rehetra ato, izay tsy mahafantatra ahy, ary mahafantatra fa tsy mahafantatra na inona na inona mikasika anareo aho, dia atsangano ny tànanareo. Feno, hatraiza hatraiza. Io olona mandry eo ambonin'io fandrian'ny marary eto io, dia nanangana ny tànany. Tsy nahafantatra ahy izy. Tsy misy olona mahafantatra ahy.

<sup>125</sup> Fa tsarovy, Andriamanitra dia tena mahafantatra anareo. Andriamanitra dia mahafantatra anareo. Ankehitriny, raha manaporofo Izzy fa eto Izzy.

“Inona izany, Rahalahy Branham?” Fanomezam-pahasoavana iray izany.

<sup>126</sup> Inona ny fanomezam-pahasoavana iray? Inona ny fanomezam-pahasoavana iray, na ahoana na ahoana? Tsy hoe maka zavatra iray ka mampiasa zavatra iray, manao hoe, “Manana fanomezam-pahasoavan’ny fanasitranana aho! Mivoaka aho ka manasitrana an’ity anankiray ity, manasitrana an’itsy anankiray itsy.” Raha vitako, dia ho nataoko tokoa izany. Ankehitriny, fa, ny fanomezam-pahasoavana iray, ary ianareo dia—ianareo dia... Diso fandika ny fanomezam-pahasoavana iray ianareo. Ny *fanomezam-pahasoavana* iray dia izao fotsiny “manala ny tenanareo eo amin'ilay lèlana ka mamela ny Fanahy Masina hampiasa anareo.” Hitanareo? Izany no fanomezam-pahasoavana.

<sup>127</sup> Izany ny mpitoriteny iray. Tsy mitory an'izay tiany toriana izy. Manala ny tenany eo amin'ilay lèlana fotsiny izy, izany no fanomezam-pahasoavana iray, dia tonga ny tsindrimandry, ary izy—miteny amin'ny alàlan'ny tsindrimandrin'ny Fanahy

Masina izy. Tahaka an'izany ny fanomezam-pahasoavana hafa rehetra. Ankehitriny, ireo fanomezam-pahasoavan'ny asampanompoana, sy ny sisa, dia efa nisy. Misy, voalohany, avy amin'ireo fanomezam-pahasoavana nomen'Andriamanitra, dia, "voalohany apostoly, mpaminany, mpampianatra, pasitera, ary evangelista." Izany dia ireo asa. Izany ireo fanomezam-pahasoavantsika.

<sup>128</sup> Ankehitriny, Jesosy Kristy dia nampanantena fa hanao an'izany Izy amin'ny andro farany. Raha manao an'izany Izy, raha mampanantena an'izany Izy ka hanao an'izany, dia firy no hino sy hanaiky Azy, izao hariva izao? Atsangano ny tanganareo, manaova hoe, "Hanaiky Azy aho." Firy ato arak'izany... Misaotra anareo. Firy ato no tsy mbola tao amin'iray tamin'ireo fivoriana tany aloha, atsangano ny tanganareo. Oadray, saiky ny antsasaky ny vahoaka. Firy no mino, alohan'ny Anaovany an'izany, mino ianareo na ahoana na ahoana? Andriamanitra hitahy anareo.

<sup>129</sup> Jereo ankehitriny. Raha niteny taminareo ny Fahamarinana aho, dia voatery Andriamanitra hamaly ahy. Hamaly Izy. Mametraka an'Ireo Teniny ao am-bavanareo Izy ary lasa mivaingana Izy ireo. Marina izany, Izany Ireo Teniny, tsy maintsy manao an'izany Izy. "Mandefa Ny Teniko Aho, tsy hiverina foana Izy."

<sup>130</sup> Ankehitriny, raha afaka nanasitrana aho, dia ho nataoko izany. Tahaka an'ilay manan-kaja, itompokolahy, Rahalahy Upshaw fotsiny izay noresahantsika. Io lehilahy antitra io dia nipetraka tery aoriana tery tao anatin'ny sezamisy kodiarana iray, lehilahy antitra iray mahery fo, ho nanasitrana azy aho raha vitako. Nanomboka niala teo amin'ny lampihazo aho, am-pahatsorana, ary nitodika aho ka nahita azy tao amin'ny fahitana iray, nandeha, namindra. Nantsoiko izy, niteny taminy hoe inona ilay izy, ary izay ilay izy. Nitsangana izy ary namindra, nanatona ny lampihazo, nikasika ny rantsan-tongony, rehefa avy kilemaina nandrity ny enina amby enimpolo taona. Hitanareo?

<sup>131</sup> Io hariva io ihany, ramatoa mainty hoditra iray, niaraka tamin'ny zazakeliny, teny amin'ny ilany. Hoy aho hoe, "Izaho dia mahita do—dokotera iray manao solomaso, ary—ary izy dia nanao fandidiana teo amin'ny zazavavy kely, mainty hoditra iray, ka izany no nampalemy azy nanomboka hatrany amin'ny tendany."

<sup>132</sup> Vehivavy antitra iray mainty hoditra, zara ianareo raha afaka nisakana azy tsy ho teo amin'ny lampihazo. Hoy izy hoe, "Tompo, mamindrà fo, ny zazakeliko izany!" Ary indro nanatona izy, tsy afaka nahatazona azy akory aza ny andiana mpampiditr'olona iray.

<sup>133</sup> Hoy aho hoe, "Nenitoa, tsy hahavita soa ny hiakarana eto. Izany tsy... Andriamanitra izany." Hoy aho hoe, "Tsy hahavita

soa ny hahatongavana eto. Minoa fotsiny.” Dia nandohalika izy ka nanomboka nivavaka. Nijery nanerana ny mpanatrika aho ary nahita lâlan-kely iray, mitovy, nandeha. Nahita zazavavy kely iray mainty hoditra niaraka tamin’ny saribakoly iray teny antsandriny aho, nandeha nidina an’ilay lâlan-kely. Dia nojereko ilay zazavavy kely, mainty hoditra, nitodika, ka ilay anankiray ihany ilay izy. Hoy aho hoe, “Voavalý ilay izy.” Nitsangana izy, ary lasa niala teo amin’ilay fandrian’ny marary. Hitanareo?

<sup>134</sup> Andriamanitra izany. Hitanareo? Andriamanitra izany. Hitanareo? Izy tsy afaka . . . Tsy misy olona afaka manasitrana. Ilay izy dia ny finoanareo an’Andriamanitra.

<sup>135</sup> Ankehitriny, ny Baiboly no nilaza, fa, “Izy no Mpisoronabe, izao ankehitriny izao, izay azo kasihan’ny fahatsapan’ny fahalementsika” Mino an’izany ve ianareo? Mpisoronabe iray! Ankehitriny, raha Izy no Mpisoronabe, dia ahoana no Hihetsehany? Raha Izy no tsy miova omaly, anio, ary mandrakizay, dia hihetsika ho tsy miova omaly, anio, ary mandrakizay Izy.

<sup>136</sup> Ankehitriny mivavaha ianareo, ka avelao ny Fanahy Masina arak’izany . . . Lazao amin’Andriamanitra hoe, “Andriamanitra, io lehilahy mitsangana eo io dia tsy mahafantatra ahy, fa izay Lazainy no misy dikany. Ianao no tsy miova. Ianao no Kristy. Marary aho. Mila zavatra aho. Ary raha hamela Ahy ianao na . . . Raha tsy manana finoana hanaovana an’izany aho, dia aoka ny olona iray izay fantattro hanana finoana, ary aoka izy . . . Antsoy ary avelao—avelao—avelao aho na io olona io hikasika ny morontongotry Ny Lambanao ao amin’ny Voninahitra. Avy eo raha any ivelan’ny lâlana io olona io, amin’izay fotoana izay dia Ianao no hampiasa ny vavany mba hamaly, ary ataovy fotsiny amin’ilay fomba iray ihany izay Nataonao fony Ianao tetra an-tany izany. Ho fantattro fa Ianao no tsy miova omaly, anio, ary mandrakizay.”

Ndao isika hanondrika ny lohantsika ankehitriny.

<sup>137</sup> Tompo Jesosy, mivadika avy amin’ny fitoriana filazantsara mankao amin’ny asa ara-paminaniana, kanefa mino Anao aho, Tompo, Ianao no nampanantena an’izany. Ary mivavaka aho mba Hanekenoa an’izany, izao hariva izao. Ekeo izany. Henoy aho. Rehefa miala eto ity mpanatrika ity, izao hariva izao, ka handeha hody izahay, dia enga anie izahay hilaza tahaka an’ireo izay avy tany Emaosy hoe, “Tsy nangorakoraka tao anatintsika ve ny fontsika raha niresaka tamintsika Izy teny an-dâlana?” Nitsangana tamin’ny maty Jesosy; tsy nahafantatra an’izany izy ireo. Niresaka Taminy izy ireo; tsy nahafantatra an’izany izy ireo. Fa rehefa Nampidiriny tao an-trano izy ireo, ka nakatony ny varavarana, tamin’izay fotoana izay dia nanao an’ilay zavatra iray ihany tahaka ny Nanaovany azy talohan’ny fanohomboana Azy Izy. Izany no nanokatra ny mason’izy ireo. Hitan’izy ireo fa Izy izany. Izao indray, Tompo, enga anie hangorakoraka ny

fonay raha mandeha mody izahay izao hariva izao, tahaka ny azy ireo. Satria fantatray fa efa niresaka taminay Ianao nanerana ny lèlana. Ataovy ireo zavatra, izao hariva izao, izay Nataonao fony Ianao teto an-tany, satria Ianao no tsy miova omaly, anio, ary mandrakizay. Mangataka amin'ny Anaran'i Jesosy izahay. Amena.

<sup>138</sup> Ankehitriny dia aoka hivavaka ary minoa fotsiny. Ndao isika hanokana an'ity ilany ity, aloha. Tsy mampaninona na aiza no misy anareo, ato amin'ny tranobe, minoa an'Andriamanitra. Maniry aho mba ho tena hanaja sy hipetraka tsara ny olona rehetra, mivavaha.

<sup>139</sup> Tena tsy azo atao mihitsy ity. Niresaka aho aninkeo maraina, tamin'ny sakafotra marainan'ny mpitoriteny, "paradoksa iray." Ny *paradoksa* dia tsy azo inoana, "zavatra tsy azo inoana, kanefa marina." Fantatrareo fa hitsangana eto ny Fanahy Masina ka hiteny zavatra iray ato amin'ity mpanantrika ity, ho an'ny olona izay tsy fantattro, tsy maintsy ho paradoksa iray izany. Zavatra iray tsy azo azavaina izany. Tsy fantattro izay Hataony. Manantena fotsiny aho fa hanao Izzy, matoky fa hanao Izzy.

<sup>140</sup> Ankehitriny dia mivavaha fotsiny, ka manao hoe, "Tompo Jesosy, te-hikasika ny Lambanao aho, ary izaho—manana ilaina aho. Mampanantena Anao aho, Tompo, izaho dia—hanompo Anao aho amin'ny fiainako rehetra." Tian'Andriamanitra hibebaka ianareo. Raha tsy mibebaka ianareo; mibebaha, manao hoe, "Te-hibebaka aho, Tompo. Tiako Ianao hanasitrana ahy. Tiako Ianao hitahy ahy. Sitrano aho ankehitriny Tompo. Mpanomponao aho."

<sup>141</sup> Izaho saika...Nizara karatra fangataham-bavaka ve ianareo androany? Saika hanontany an'i Billy fotsiny aho raha...Raha tsy manao an'izany izy, dia ho niantso laharam-bavaka iray aho. Fa tsy nizara karatra fangataham-bavaka mihitsy izy ireo androany. Mipetraha manaja fotsiny, minoa.

<sup>142</sup> Ankehitriny, amin'ny Anaran'i Jesosy Kristy, dia raisiko eo ambanin'ny fifehezako ny fanahy rehetra, ho an'ny voninahitr'Andriamanitra, mba hahatonga Ny Teniny hampahafantarina, ka tsy hanana fialan-tsiny isika amin'ny Andron'ny Fitsarana.

<sup>143</sup> Ankehitriny dia mijere amin'ity lèlana ity, ary minoa ankehitriny. Mivavaha amin'ny fonareo rehetra, ary mivavaha fotsiny, ary am-pantre-tena. Aza miady amin'Izany. Ampialao sasatra fotsiny ny tenanareo, ka manao hoe, "Tompo, Ianao no nanao ny teny fikasana. Mino Anao aho." Izany no tsy maintsy hataoko.

<sup>144</sup> Fantattro fa tsy misy ilana ny hanontaniako anareo. Firy no mba nahita an'ilay Hazavana? Aoka ho hitantsika. Efa nahita an'ilay sarin'Izany ianareo. Aoka ho hitantsika ireo tana, izay efa mba nahita ny sarin'Izany. Tsy mahita an'Izany eo mihitsy

ve ianareo? Hitanareo, faritra hafa iray izany. Izany dia eo ambonin'itsy ramatoa itsy mihitsy.

<sup>145</sup> Mijaly amin'ny aretina amin'ny ranjony sy ny lamosiny izy. Izy... Mino ve ianao fa afaka manasitrana anao Andriamanitra, ranabavy? Inona no nokasihanao? Tsy mikasika ahy ianao, fa nikasika Zavatra iray. Raha hiteny amiko ny Tompo Jesosy hoe iza ianao, dia hanao anao hino tsaratsara kokoa ve izany? Ianao no Rtoa. Phillips. Raha marina izany, dia mitsangàna. Eny àry. Vahiny tanteraka aminao ve aho? Atsangano ny tànanao raha marina izany. Tsy mbola nahita azy mihitsy aho teo amin'ny fainako. Inona no nokasihany? Mandehana miresaka amin'ilay vehivavy, rehefa avy eo. Lasa ny fanaintainana rehetra ankehitriny. Mety tsara ianao. Afaka mandeha mody ianao ka ho salama.

<sup>146</sup> Indro misy ramatoa iray, iry aoriany iry mihitsy. Mijaly amin'ny fahavoazan'ny fikorontanan-tsaina izy. O Andriamanitra, raha izy no tsy... Ny anarany dia Rtoa. Star. Minoa, hanao anao ho salama Jesosy Kristy. Mitsangàna ka ekeo ny fahasitrananao. Raha vahiny aminao aho, dia ahofahofaho ny tànanao. Tapitra ny fahavoazanao. Manao anao ho salama Jesosy Kristy.

<sup>147</sup> Inona no Nampanantenainy? Izy no nampanantena an'izany. Mino ve ianao?

<sup>148</sup> Misy ramatoa iray aoriany mihitsy, mipetraka eo. Mivavaka izy. Mikorontan-tsaina izy, tratry ny fahasarotana. Te-hijanona tsy hifoka izy. Ny anarany dia Rtoa. Bordon. Mitsangàna, Rtoa. Bordon. Tapitra ireo sigaranao. Manao anao ho salama Jesosy Kristy. Tsy mbola nahita an'ilay vehivavy mihitsy aho teo amin'ny fainako.

<sup>149</sup> Mino ve ianao? Ankehitriny dia fantatrao fa tsy afaka manao an'izany aho. Jesosy Kristy izany. Inona izany? "Ny Teny dia velona kokoa, mahery kokoa, noho ny sabatra roa lela, mpamantatra an'ireo eritreritra sy fisainan'ny fo." Izany ny Teny, Jesosy Kristy ilay tsy miova omaly, anio, ary mandrakizay. Tsy afaka mino an'izany ve ianareo?

<sup>150</sup> Eto, indro mipetraka eto ny lehilahy iray, miaraka amin'ny hernia, aretim-po. Marina izany. Tsy fantatro ilay lehilahy. Tsy mbola nahita azy mihitsy aho. Fa mpitoriteny iray izy. Revera, Atoa. Kinsey. Marina izany. Mino ve ianao, tompoko? Mitsangàna ka raiso ny fahasitrananao. Manao anao ho salama Jesosy Kristy.

<sup>151</sup> Eo amin'izay ihany, hanao fankasitrhana iray ho ahy ve ianao, amin'ny maha-mpitoriteny iray? Apetraho eo amin'ny vadinao ny tànanao, mijaly amin'ny aretin'ny voa izy, amin'ny aretin'aty, amin'ny lanja tafahoatra, amin'ny fahasarotana. Apetraho aminy ny tànanao. Hiala aminy izany, raha mino ianao.

<sup>152</sup> Hono ho'aho, misy lehilahy iray mipetraka aorianao mihitsy, voaaloky ny fahafatesana izy. Tratry ny homamiadana izy. Mijaly amin'ny fivontosana, homamiadana, fikorontanan-tsaina ilay lehilahy. Ny anarany dia Atoa. Young. Minoa ankehitriny. Manao anao ho salama Jesosy Kristy. Mino an'izany ve ianao? Manaiky an'izany ve ianao? Eny àry, tomoko.

<sup>153</sup> Indro mandry ny lehilahy iray, mandry eto eo ambonin'io fandrian'ny marary io. Tompoko, tsy mahafantatra anao aho. Raha afaka manasitrana anao aho, dia ho nataoko izany. Vahiny aminao aho. Tonga avy tamin'io lâlana rehetra io ianao. Nanao ezaka iray ianao hahatongavana teto. Tsy afaka hanafina an'izay tsy mety aminao ianao; fa tsy afaka manasitrana anao aho. Tonga teto ianao miaraka amin'ny vadinao. Izy io mipetraka eo io manao palitao miloko paiso. Marina izany. Eny àry. Voaaloky ny fahafatesana ilay lehilahy; tsy afaka ho velona afa-tsy vetivety fotsiny izy ankehitriny. Tratry ny homamiadana izy.

<sup>154</sup> Ianao dia mijaly, ihany koa, ranabavy. Mino ve ianao fa afaka miteny amiko an'izay ijalianao Andriamanitra? Izany dia ny aretin-damosinao. Marina izany. Raha marina izany, dia mitsangàna. Eny àry, raiso ny fahasitrananao. Inoy izany. Apetraho eo amin'ny vadinao ny tànanao.

<sup>155</sup> Mino ahy ho Mpaminaniny ve ianao, tomoko? Raha mandry eo ianao, dia azo antoka fa ho faty ianao. Tsy afaka ho velona ianao. Izay ihany. Efa nandao anao ireo dokotera. Nandany tanteraka anao ny homamiadana. Efa nahita zava-misy lehibe kokoa noho ny anao aho izay sitrana. Tsy afaka manasitrana anao aho. Fa raha hanaiky an'izany sy hino an'izany fotsiny ianao! Mino an'izany ve ianao? Izany no anjara tokana ho anao. Eo am-pahalasanana ireo fotoanao farany. Mino an'izany ve ianao? Raha mino ianao, dia mitsangàna miala amin'io fandrian'ny marary io. Mitsangàna miala eo, amin'ny Anaran'i Jesosy Kristy! Mitsangàna ka aoka ho salama, ary mivoaha avy eto, manome voninahitra an'Andriamanitra. Aoka hisy olona iray hanome tànana azy eo, hanampy azy. Io izy, mitsangana amin'ny tongony.

<sup>156</sup> Firy ato no mino? Atsangano ny tànanareo. Mitsangàna. Ny sisamihitsy aminareo izay te-ho sitrana, mitsangàna, amin'ny Anaran'i Jesosy Kristy. Atsangano ny tànanareo, derao Andriamanitra. Omeo Azy ny dera sy voninahitra. Ankehitriny dia isaory ny Tompo nohon'ny fahasitrananareo, Jesosy Kristy ilay tsy miova omaly, anio, ary mandrakizay!

<sup>157</sup> Rahalahy, tsy nahomby ireo dokotera. Izao no lâlana nomanin'Andriamanitra. Inoy izany!

<sup>158</sup> Firy no te-hanaiky ny lâlana nomanin'Andriamanitra? Atsangano ny tànanareo ka omeo dera Andriamanitra, ny tsirairay avy aminareo, ka minoa fa sitrana ianareo, amin'ny Anaran'i Jesosy Kristy. Amena.



*Ny LÀLANA NOMANIN'ANDRIAMANITRA  
HO AN'IZAO ANDRO IZAO MAG64-0206E*  
(God's Provided Way For This Day)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alakamisy hariva, 6 Febroary, 1964, tao amin'ny Kern County Fairgrounds ao Bakersfield, California, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)